

万癡禪師語錄

卷六之十

C40
4514
(225)

9 170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8



9170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

C40-4514

了翁上座請大藏及有
家書置之武州紫雲山
我微突塔院庑府中永
為學者不敢許出院門
當山二世鐵牛機謹誌



B 64853

百癡禪師語錄卷第六

嗣法門人超宣等編

嘉興金粟山廣慧禪寺語錄

舉約峯憨璞首座上堂眉毛掛劒血濺梵天大樹垂
陰清風巾地從古已來荷佛祖綱宗用驅奪手段不
得其人未敢輕舉何幸於今二難具并頭角齊彰大
家扶掖叢林山川喜呈瑞氣政可謂打鼓弄琵琶相
逢兩會家庭前風雨足鐵榦也開花鐵榦開花則且
止琵琶曲調作麼生諸人若欲辨別清音煩詣二首
座寮如法扣問

B 64853

支那

東洋書院藏書

撰述
誕日請上堂僧問爐煙繚繞冲霄動地天花意若
何師云高高處觀之不足進云恁麼則風光滿面遍
界遊行去也師云低低處平之有餘進云獅子窟中
獅子子爪牙未露已翻身師云也須照顧性命問昔
日世尊初生六龍吐水未審和尚誕日有何祥瑞師
云杲日當空薰風布地進云大衆霑恩去也師云汝
分上作麼生進云學人到這裏不得不禮拜師云赤
土塗牛妳乃云會騎竹馬趁雙輪屈指忽忽已四旬
自笑胸懷無所有空拳捏起誑千鈞是汝諸人莫有
不甘者麼有則出來掀倒禪牀喝散大衆把山僧拖
下爛槌一頓以報不報之恩共助無爲之化亦顯得
英靈手段悠然迴別若猶未也慶生還汝自相慶道
骨撐天讓我儂卓拄杖下座

上堂人道斑鳩拙我道斑鳩巧一根兩根柴便是家
緣了曾照寶與麼悟去且道了得家緣也未卓拄杖
云馬上相逢無紙筆憑君傳語報平安

上堂當陽直截不昧時機答去問來全彰與旨頭頭
迴脫法法圓成千古萬古只如斯前佛後佛無別道
貴在當人畧回光相眨眼自看可以克證菩提頓超
方便到這裏直得壽山霧涌福海川增罪垢消除寃

家解釋束虛空作大棒也打他不著合聚雷作一喝也驚他不動山僧今日以此一毫勝利奉爲吳門朱老夫人六旬初度之辰伏願慧性長明享期頤之上壽邪氛莫擾懸錦帳而常新且畢竟以何爲據卓拄杖云木童把板呵呵笑玉女含笙緩緩吹

解夏上堂採菱歌斷秋風起曲檻香清翠帶殘慚愧九旬無法說行行坐坐暗相瞞政當此時解夏一句又如何道行滿不須驗蠟人輕包萬里任來去

錢夫人爲子凝秀保安請上堂焯焯皇皇放放曠曠富有多般奇無兩樣明月蘆花何處尋想伊只在秋江上若人識得伊折旋俯仰不離本地風光接物應實悉本現成受用如子得母菽水盡慈闈之歡如母得子終朝免倚閭之望家堂穩坐永絕諸殃桂秀蘭香連環弗斷所以道出世法卽世間法世間法卽出世法倘或執意區分早已白雲萬里了也還委悉麼靈山自古該嘉運瑞氣常凝至善人

追薦上堂一夢南柯不復還腳跟無礙路頭寬香雲涌起隨花現寶鏡圓明透頂寒佛爲伴祖亦安小果聲聞何處鑽自是夙生培善種故能取用樂般般此乃山僧爲超文吳公薦扳底意只如茲者時維九月

9 170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

撰述

丁亥兩月司馬卷之二

序屬三秋潦水盡而寒潭清烟光凝而暮山紫天高地迥覺宇宙之無窮興盡悲來識盈虛之有數汝且道滕王閣上一篇古文章與山僧口中兩句閒言語還有本分相應也無擊拂子云早信青燈原是火端然飯熟已多時

開爐上堂僧問大冶真金永無變色請問和尚將何煅煉師打云只用一鎚進云怎麼則棒頭有眼明如日要識真金火裏看師云真金在什麼處僧一喝師云七花八裂了也問如何是臨濟宗師云轟轟烈烈如何是雲門宗師云峭峭巍巍如何是馮仰宗師云

圓圓陀陀如何是曹洞宗師云綿綿密密如何是法眼宗師云歷歷明明進云五家宗派宗師指觀面全提意若何師便打乃云開熱惱爐扇無明火添三毒炭運五逆鎚馬面牛頭列兩旁夜叉獄卒居前後見者聞者悉與惡念惡念與時充滿虛空卽虛空體證魔王身當此之際亦無人亦無我亦無佛亦無眾生何等平等何等自在箇裏承當得去許汝諸人有出身之路設或逐隊隨羣徒越熱鬧總是焦頭爛額漢東隣老鼠子西舍野狐兒火爐邊唧唧啾啾撒屎撒尿瞞汝諸人去在拈拄杖卓一卓喝一喝

支那

巨野軍市景泰卷之二

9

9 170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

撰述

正續神皇正統記卷之六

臣

請上堂父母深恩等蓋載世間補報莫能逮南無調御大覺尊一句了然超情愛所以覲翁居士發最勝心去冬於此山中啓誦金剛經一藏酬報親恩今既卷數周圍又逢令先君忌日特入山來禮懺請山僧陞座舉揚箇事且箇事作麼生舉揚遂豎拂云看看黃面瞿曇走向山僧拂子頭上放五色光明說道如來者無所從來亦無所去政恁麼時天垂寶蓋地涌金蓮梵閣香清虛堂響答乃至若聖若凡若男若女若長若幼總在此光明中聽黃面瞿曇摩頂授記世世生生同居佛土敢問大眾且道過去資善大夫星

翁居士與黃母老夫人還在裏許也無復豎拂云塵塵剎剎全身現千古令人望莫窮

師持鉢到乍城上堂不顧霜風撲面寒特來此地下綸竿釣頭無限深深意貴在鯨鯨著眼看有麼有麼有則出來鼓鬣揚腮拏雲攫浪使一切具信根者生大歡喜心作大奇特想亦何至山僧滿船空載月明去鐵笛橫吹過鷓鴣湖然事無一向得亦隨緣幸遇緇素殷勤不免漏洩風光一上遂豎起拂云還見麼粉堞連雲無滯貨四民憑此樂堯天復舉僧問古德深山裏還有佛法也無德云有僧云如何是深山裏佛

支那

正續神皇正統記卷之六

9170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

撰述

法德云石頭大底大小底小師云住山人說住山話
可謂不失本分善用時宜今日或有問山僧城市中
還有佛法也無向他道有如何是城市中佛法但云
片帆飛不盡鐘磬雜笙歌且道與古德答語相去多
少

過圓通上堂一天喜鵲迎雲噪兩岸疎楓映水紅大
士法身常示現何須就我覓圓通圓通既不就我覓
則人人常光現前箇箇壁立千仞便與麼休去豈不
時清世泰坐享昇平設弗獲已於此座子上七十三
八十四道箇應以此身得度者即現此身而為說法

更道箇求福壽則福壽應求男女則男女應總是慈
悲之故落草之談於諸人本有圓通法門太遠在且
如何是諸人本有圓通法門委悉麼踏著上頭關棧
子眼聲耳色自悠悠卓拄杖下座

平湖永壽上堂尋常一味無過樸實頭坐臥經行不
敢開著口背地被人冷笑謂金粟無佛法與人商量
亦無玄妙語與人咬嚼是則固是忽爾傾湫倒嶽掣
電轟雷是汝諸人又向甚處措足所以道我若坐時
汝須立我若立時汝須坐我若三頭六臂汝須偃息
干戈我若罷釣休綸汝須鋪華錦上然後可以光輝

支那

百卷新刊

六

9 170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

風流

蘇州府志卷之六

佛日不扇宗風扶護叢林贊揚知識山僧今日與麼告報三百六十骨節八萬四千毛竅已盡情撒在諸人面前了也且不昧當機因齋叙謝一句如何道平湖波鏡平湖水永壽人來永壽庵

一音法姪請就善護上堂問昔日承師題善護今朝光降又重宣如何是善護一句師云大家在這裏進云如何是善護境師云有眼者見如何是境中人師云有耳者聞進云堂堂獨露本來面座中能有幾人知師云放汝三十棒問金鐘未扣法爾如然玉磬纔鳴更傳何物師云今日西風冷空中散雪花進云一

音演唱善護堅持去也師云利動君子乃云道遠乎哉觸事而真一湖平水半塢白雲聖遠乎哉體之卽神善護庵中打坐百尺竿頭翻身要識摩訶法師麼驀豎拂云相逢面目分明在誰道空勞蝶夢頻復舉劉鐵磨祭馮山次山云老特牛汝來也磨云來日臺山大會齋和尚還去麼山放身作臥勢磨便出去師云看他一賓一主有縱有擒劒戟全施纖毫不犯好手二俱好手作家始終作家後雪竇顯老人頌云會騎鐵馬入重城敕下傳聞六國清猶握金鞭問歸客夜深誰共御街行雪竇風流冠世文彩奪人到這裏只

支那

百卷經書卷之六

得讚歎有分又我密師翁頌云一似戲話一似相罵
得人一牛還人一馬作臥便行可知禮也淡中有味
句裏呈機須還我密師翁始得山僧雖不敢與二老
爭光亦隨例效顰一頌楊子江頭楊柳春楊花愁殺
渡江人數聲羌笛離庭晚君向瀟湘我向秦
冬至上堂羣陰剝盡一陽復生衲僧眼正天下橫行
喝一喝下座

化士回山上堂錦上添花十有八九雪中送炭百無
二三何幸化士歸來正值山廚缺供拄杖匾擔齊踣
跳鯨奴白牯笑哈哈山僧此者作一家醜管顧諸人

遂展兩手云且道是百味具足耶一味全無耶上根
利智未咱先知中下之流直須仔細然雖如是不因
盧至慳囊破爭得驪珠賽月輝

臘八上堂僧問手指天地時傾倉倒廩一觀明星處
展棠開囊爲復是自顯家珍爲復是飽人枵腹師云
二途俱不涉進云若恁麼只是一味死貓頭塞斷大
千無縫罅師云還我死貓頭來僧豎拳師云真箇賣
醜乃云臘八夜中毛頭星現沒興逢之乾坤陡變二
百餘會鬧啾啾屈指太平何曾見面至今荆棘難除
鼠怪狐妖海角天涯都踏遍金粟寡不敵衆只可燒

一瓣香念箇會同供養去也何謂如此待得雪消去
自然春到來

入塔上堂一文錢與匠人帶累渠儂徹骨貧兩文錢
與匠人大家出手笑欣欣三文錢與匠人可憐沒地
著渾身疎山壽塔幸自造得巍巍峩峩誰知被大嶺
老漢向背地推倒了也爭似金粟一座窄堵波凡有
來者要入便入不用三文兩文與匠人亦不用臘月
蓮花龜毛數丈直教過去尊靈千年受享現存眷屬
利益咸霑雖然此猶是入塔底意且道行鎧庵主與
智永道婆畢竟在什麼處著到卓拄杖云全身廓落

無回互腳底隨方自在行

含虛化土請上堂雪後雨雨後雪連日不舒晴龜哥
凍作鼈火頭報我無柴燒庫內看看糧欲竭大眾好
苦也然此乃家中之苦猶自可事更有化主途中之
苦實是難堪君不見拖泥帶水聲嗚咽爬起來兮又
著跌祇望檀那惠施多腳尖那管流生血而今功圓
行滿日出回山領彼淨名請我陞座較之忘因昧果
瘠人肥己者相去天淵何如耶所以山僧不暇與他
商佛法不要與他援人情惟唱箇還鄉曲調聊表一
片殷勤遂拍掌云大眾好快樂也忽有箇漢云適纔

道苦今又道樂爲什麼苦樂無常隨人起倒阿呵阿
誰識他柴米少時眉易皺得高歌處且高歌復拍一
拍下座

歲旦上堂僧問日月長輝山河永固政當恁時是如
何師云一人添一歲進云野老旣知堯舜力好把絲
桐徹夜彈師云大家側耳有分進云獨立堂前全意
氣微塵剎海一時收師打云汝還識斬新條底意麼
僧呈具歸衆師乃云正月初一日不得說別事一願
國王長壽二願五穀豐登三願干戈永息還有第四
願且莫說且莫說良久云若不說阿誰得知不如說

出也罷願禪和子剪除毛病因果分明驀忽撞著桃
符神拱手告曰前三願容易指望唯第四願千佛出
世亦無奈他何山僧忍不住把拄杖子當頭一搥桃
符神卻走入柳眼裏藏身去矣畢竟作麼生百取十
十取一砂盆共掇翻意氣膠和漆法華經云此衆無
枝葉唯有諸真實卓拄杖下座

上堂山中何所有嶺上多白雲只可自怡悅不堪持
贈君古人與麼雖得現成受用簡點將來也太慳生
何似鹽城諸信護各拖一片兩片白雲來我山中橫
裝豎抹使這一夥沒鼻孔漢人人眼底忽生光箇箇

肚皮都飽足如此之時寧不出他一頭地乎驀拈拄
杖云看看山僧亦大垂隻手曾利汝諸人去卓一卓
云山中何所有瑞雪積庭簷要則從君要不要莫廝
嫌咄這裏是什麼所在說要不要委悉麼美景良辰
難得再相逢擺手莫蹉跎

春日解制上堂僧問要津把斷水泄不通布袋打開
風行草偃柳標橫肩則不問歸家穩坐是如何師云
共唱哩囉噠進云一句迴超千聖外滿筵目擊盡知
音師云闍黎試唱一句看僧喝師云不合腔調乃云
元宵令節春日方臨或持絲棒鞭泥牛或擊金鈺弄

獅子燈前月下鞦韆花架影齊輝酒肆茶樓絃管謳
歌聲錯亂金粟山中靜悄悄地無泥牛可鞭亦無獅
子可弄單單有條赤斑蛇汝若眼目定動便遭伊咬
殺雖然如是我此一衆總是解弄底而今且打開布
袋隨其分身變化入草騰雲去也擲拄杖下座

聖節上堂天申節屆六出花飄草樹含輝乾坤一色
豐登有賴瑞應斯徵凡各有心孰不圖報且如何是
圖報底句呈拂子云全憑這箇無私力驀指南山祝
聖君

信庵本源請上堂不負相期夙昔心三年三度入叢

林爲人大抵垂慈巧處已都緣願力深金粟山頭松
有韻華亭江上月無陰此時此景長如舊歸去來兮
快莫禁所以山僧於往歲有一張沒絃琴已爲汝等
彈過了也去載有一則現成詩亦爲汝等吟過了也
逗到今日畢竟說箇什麼良久云灼然若是箇中人
何必微音動天地

師持鉢至梅谿上堂綠水空濛擊畫橈枝頭好鳥弄
春嬌金錢不掛藤條上閒買飛雲伴寂寥大眾山僧
未到此間或有一箇半箇疑我如何若何及乎到來
原來只平平地雖然如是猶賴得諸老維摩在且維

摩旣在這裏合作麼生舉唱擊拂子云彌陀院內古
佛揚眉十字街邊行人舞袖家家風月具足處處面
目全彰全彰則若老若幼本無間然具足則爲法爲
人聲價愈重政當此時把手共行一句如何道千門
萬戶俱敲徧收拾驪珠任往還

請上堂靈鷲枝花不藉陽和氣力曹溪滴水豈與溝
澮同流而今遍界芬芳到處興波作浪遊蜂採蝶上
下奔忙曲蟾長鯨高低曾應美則美矣善則未善何
故爲伊不會究本窟源徒見隨聲逐色若是英靈漢
子聞恁麼道自然有生機一路等閒下一刀命根所

9170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

挽述

斷吸一口徹底傾乾然後於無影枝頭放出千紅萬紫無爲海裏涌出巨浸滔天直教曲蟾長鯨措足弗及遊蜂採蝶沒地鑽研如是之時寧不快哉驀呈拄杖云敢問諸人且道這箇是靈鷲枝花耶是曹溪滴水耶有人道得山僧兩手分付設或未能自己受用去也肩挑午日行溪北旋逐春風過院西靠在杖下座

靈源寺上堂僧問昨日梅溪上堂今朝靈源陞座去來則不問如何是靈源一滴師舉拂子進云學人則不然師云汝又作麼生進云口吐三江水胸藏萬里

波師云未必心頭似口頭進云金翅劈開溟海去青山低首笑相迎師云殿角鳴吻笑殺闍黎僧一喝師云鼓粥飯氣進云大眾證明去也師云靜處薩婆訶乃云二月春光晴且麗山山涌出青螺髻特來此地訪高賢翠玉溪邊欣把袂所以道欲行恁麼事須遇恁麼人既遇恁麼人便行恁麼事拖下布袋子托出破砂盆大家喜色溢眉尖戶戶無虞添福利如是則不惟不辜山僧數十餘里遠來之心抑且見山僧與諸人自從曠大劫來常在光明藏中鼻孔相挂無有移易佛法也在裏許世法也在裏許非佛法非世法

支那

三定歷市書錄卷下

三

亦在裏許且明日又向什麼處去杖藜所到皆清淨
古檜寒松屬我家

佛涅槃日上堂七十九年空開口臨入涅槃一無
所有波旬斂恨綠眉春迦葉自歸雞足守化火焚軀
則不問只如腳露金棺意作麼生良久喲云若遇老
雲門正好打餓狗

大悲生辰新剃度請上堂僧問大士降生則不問削
髮披緇事若何師云金刀纔舉處頂上盡生輝進云
菩薩枝頭甘露水頂門乍灌護清涼師云須知未出
鷓湖地早已芳名達四衢進云真金若不經爐冶爭

得光華徹底鮮師云一任鋪花錦上進云謝師答話
去也師云何必乃云芳草地嘶金勒馬杏花天醉玉
樓人勞生汨沒無窮已誰肯回頭契本真且本真有
什麼難契但能發慷慨心啓特達志頓歇諸緣不爲
物轉自然世出世間各得其宜應用臨機玲瓏八面
汝看他做溪顧居士篤信此道老而益堅茲同令室
入山禮求剃度必至于契本真而後已豈非出羣須
是英靈漢敵勝還伊獅子兒乎政恁麼時直得風和
日暖鵲噪鶯吟觀世音菩薩於五色雲端示現說最
勝妙陀羅尼俾一切見聞者隨其根性悉獲解脫如

斯功德何等圓成雖然今日割草一句作麼生道數
聲清磬是非外兩箇閒人宇宙間復舉僧問趙州如
何是出家州云不履高名不求苟得師頌云不履高
名不求苟得一句超然人天軌則堪笑而今出家兒
背地分明祇自欺趨羶逐臭如蠅蟻腳力怵怵徒爾
爲

新城能仁寺上堂僧問隨處作主遇緣卽宗行乞新
城如何指示師云柳標橫肩進云若是則一鉢千家
飯通身七佛儀師云汝也不妨隨例進云入廓垂手
猶落今時請和尚別施機用師云當頭一頓進云不

入深深巉險處那知別有亂紅飛師云且禮拜退乃
云率性而行閒道人隨方無礙自相親倚翠遙指鵝
黃嫩撥棹長歌鳴綠新風颭颭水鱗鱗頭頭顯露衲
衣珍會中幸有知心士應見溫然笑語頻敢問諸人
笑所笑者何事語則語箇甚麼莫是新城如畫裏天
曉望晴空麼此境現前誰不會莫是別來頻甲子歸
到忽春華麼此情料掉沒交涉莫是生平未識面傾
蓋若故交麼只恐扁舟歸去後明朝想憶路漫漫有
人道得同風句許伊叅學事辦若猶未也舌頭在山
僧口中莫怪述相熟瞞好

上堂談玄談妙汚人心田行棒行喝虛粧好漢破草鞋乾屎橛認葉爲金百木杓賣策籬移賤作貴這一夥老凍儂惑亂天下人無有了期到不如三家村裏把鑿頭翁見山說山見水說水見拄杖說拄杖事事現成令人易會雖然一槩與麼去少室正宗掃土而盡山僧此者扶強不扶弱入這羣隊去也驀拈拄杖卓一卓喝一喝云禦怪不須懸白澤顧容何處避菱花

聖果寺上堂吾本來茲土傳法救迷情一花開五葉結果自然成舉拂子云穿卻達磨鼻孔春山疊亂青春水漾虛碧寥寥天地間獨立望何極卓拄杖云戳瞎雪竇眼睛殊不知人人本具連城壁箇箇常懷照乘珠要伊稱花稱果來作甚麼指山指水空望奚爲山僧今日借路經過決不肖學恁麼去就只要汝等家家柴足米足滿面和風饑則思療倦則打睡便可以閒消永日坐享太平忽有不甘底爲二老漢雪屈又作麼生山僧總不與之計較何故巨浪易磨海畔石勸人除卻是非難

會雲上堂春回夏至景色明媚麥畦片片青柳岸依依翠路上行人快樂多惟我禪和子說道啼血杜鵑

聲聲喚不如歸去苟歸去也浩浩塵中能作主英豪
頭上逞英豪濃雲薄霧難遮掩如日麗空仰愈高雖
然若向山僧面前過各要喫一頓在爲甚如此有功
者賞復舉龐居士問馬祖云不昧本來人請師高著
眼祖直下覲士云一種沒絃琴惟師彈得妙祖直上
覲士禮拜祖歸方丈士隨後入云弄巧成拙師云直
下覲與直上覲馬師歷歷合本據俊哉龐老解藏身
直至于今無覓處有覓處只在這裏舉拂子云還見
麼下座

超雲沈氏請上堂鶯吟繡陌燕語雕梁古殿風高虛

堂日永父母未生已前不離這箇時節父母既生已
後亦不離這箇時節汝若知這箇時節便見毗盧正
體觸處全真般若靈光隨機會應是非一齊坐斷法
眼賴以流通政當此際據令提持則且止喫飯知恩
句若何萬福雲臻歸善信菱花影裏現曇花

寶月受戒上堂諸佛解脫門菩薩心地戒當陽無向
背遍處絕羅籠悟之者疑網頓除受之者魔障永息
故鹽城顧老夫人以古稀歲種金剛緣以富貴身作
奇特事心地戒一時具足解脫門八字打開諸佛把
手以同行菩薩多方而擁護此之真實受用皆由正

9 170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

撰述

長安西馬金卷之二

信中來原不假於強為亦無容於外飾雖然如是更須知有諸佛未生菩薩未成一著子始得還委悉麼白棒打惺深夜夢舉頭寶月正當空

佛誕彭夫人延生請上堂僧問年年四月八釋迦降誕辰因甚諸叢林把他惡水潑師云好手手中呈好手進云此間則不然師云且道作麼生進云一條柳標逞英豪師打云謝汝證明乃云花甲年週又紀一發光炯炯照深室雖然不與佛同生究竟本來原是佛是汝今日還信得及也無卓拄杖云攬前獨自承當去管取壺中歲月長復舉世尊初生一手指天一

手指地周行七步目顧四方云天上天下惟我獨尊後雲門偈云我當時若見一棒打殺與狗子喫貴圖天下太平師云世尊瞻前不顧後雲門氣宇如王惜乎棒頭短金粟別無長處每到四月八只可殿裏燒香大展坐具三拜要伊端坐受供養施主嘗安樂良久云也是就貨還錢使下座

超瑛請上堂僧問無盡意菩薩請調御丈夫說法利生有何功德師云上來講讚無限良因進云恁麼則錦上鋪花去也師云向下文長付在明日乃云往世因修現世事白雲影裏草茸茸今生預作後生因細

支那

可延畢而吾家卷之二

七

錦幃前花簇簇看不破處如蠶作繭自縛自纏放得
下時似鶴翔空無拘無碍所以信女潘氏捨最難捨
建大道場香果莊嚴理法具備雖不求景福而福已
臻雖不祝遐齡而齡自衍往世現世今生後生總是
畫餅充饑望梅止渴於當人分上何啻鄭州出曹門
忽有箇漢出來道和尚承嗣濟宗將謂有驅耕奪食
之手超羣越格之談原來只解說老婆禪山僧勢不
獲已再爲舉揚去也遂拈拄杖卓一卓云一元和二
佛陀三釋迦是甚麼椀脫丘若是具眼衲僧水也嘗
他一點不得復卓拄杖下座

上堂梅子青青麥子黃鷓鴣啼罷過南牆疎簾裏麩
篆香懷美人兮天一方驀豎拂云未之思也夫何遠
之有

生日觀周孝廉請上堂僧問世尊初生便云獨尊未
審和尚生辰是同是別師云更出他一頭地進云可
中若有箇衲僧出來把住和尚又作麼生師云未必
有恁麼人進云好手手中呈好手紅心心裏中紅心
師便打乃云殘紅斂盡綠陰成素分安閒樂所生亦
信百年終是夢何能一日便無情金毛在列威風曾
文旆當筵瑞氣呈憶昔靈山曾聚首於今猶幸月華

撰述
清且同條共慶一句作麼生道浩蕩不隨天地老任
他桑海自遷更復舉雲門拈胡餅示衆云我祇供養
兩浙人不供養向北人衆無語門自代云天寒日短
兩人共一椀師云雲門老漢忒殺用心無端把一片
胡餅變爲毒藥金粟則不然豎起拳頭云我祇供養
兩浙人不供養福建人何故免伊道我有鄉情在然
雖如是解讀上大人自然可知禮試看化三千養成
八九子良久云大小金粟今日被居士勘破
行常六旬并爲師壽請上堂柴荒片片是寶米貴粒
粒如珠砂盆半已歛側廚庫一物也無於斯時也三

世諸佛口掛壁上十方禪侶啓告無門元上座到這
裏終不敢背地栽花虛粧好漢祇得一箇半箇具信
心底人掇轉廬陵米價放捨固有家珍便見毛孔香
生各各嘴皮笑破若道爲予祝壽似將惡水驀頭澆
更云爲彼慶生猶屬外邊閒之達殊不知予壽與彼
壽非左亦非右不用說偈言法法合成就水綠山青
映畫堂清光一道白如晝以拄杖劃一劃云六十甲
子盡力打翻了也且待明年春從頭再算起
結夏上堂夜短睡不足日長饑有餘禪和來聚首最
苦是夏時雖然如是汝也怪我不得

端午上堂衆濁獨清衆醉獨醒一曲離騷孤貞耿耿
汨羅負后自沉埋痛殺楚天風月冷看看山僧爲伊
招魂去也驀呈拂子召衆云還見三閭大夫麼龍舟
撥動如雷疾亘古彌今第一贏

兄弟薦親請上堂讀蓼莪之章始信親恩罔極誦鶴
鴒之語方知手足情深手足情深分離不可親恩罔
極報答宜先且作麼生說箇報答底意佛力法力戒
香定香善來佛子聽我舉揚愚癡成智慧熱惱化清
涼蓮邦教主親垂手寶蓋飛幢發異光與麼說話大
有人信金粟不過信不過亦無妨門前但看荆花茂

便是爺娘極樂場

上堂具足凡夫法凡夫不知具足聖人法聖人不會
長街肉肆鬧市歌樓驀忽築著窟著凜凜風生如虎
戴角是汝諸人還解恁麼也未恁麼不恁麼公案齊
領過從教水漲船高泥多佛大出門騰踏鬧啾啾無
事還歸屋裏坐喝一喝復舉趙州問婆子什麼處去
婆云偷趙州筭去州云忽遇趙州又作麼生婆連打
兩掌州休去師云這婆子慣作白拈賴遇趙州放過
我若當時作趙州待伊道偷趙州筭去先與兩掌直
饒婆子有通天手段也一時回避不及

因事上堂欲肩佛祖重擔莫比尋常見戲所貴才德兼修方能驚天震地若是基淺根浮自然看得容易縱遇拙匠相資到底淪爲廢器金粟恁麼苦口婆心畢竟意在於何喝一喝云不屬李膺門下客隨他遠跳弄蛻丸

韋馱開光兼修薦上堂僧問靈光不昧歷劫常存因甚要憑今朝一點師云有條攀條進云薦叵一句又作麼生師云垂紳束帶無回互同立威音日月傍進云知師不落今時調拍拍原來總是歌師云去乃云三洲感應護法護人一點威光蓋天蓋地降魔寶杵

本無偏私奉佛靈符全在公正作禪林之保障顯菩薩之風規此是韋馱大士生平願力莫大神通且作麼生是伊諦當處驀豎拂云向這裏見得分明便識得伊諦當處識得伊諦當處便識得顧老夫人七十餘年起一念心爲伊莊嚴落處識得顧老夫人落處亦識得過去紫垣公於生死場中得大自在落處所謂前韋馱與新韋馱正眼觀來不較多今日還渠舊光彩大家共演薩婆訶是汝諸人從朝至暮舉足下足不得相辜負若有辜負者定與頂門一錘莫言不道

撰述
解夏上堂舉東山和尚示衆云百鍊黃金鑄鐵牛十
分高價與人酬庭前不有華含笑又是東山一夏休
元叟端云徑山隨穗穗也有一頌老矣無心鑄鐵牛
眼前隨分卽相酬庭前葉脫西風起且喜凌霄一夏
休師云山僧今日解夏亦依樣畫葫蘆去也力薄無
能鑄鐵牛長吟短咏倩君酬庭前昨夜金梧墜報道
鷗灘一夏休

中秋上堂雲淨天空夜色浮一輪明月正分秋諸人
要看霓裳舞且向廣寒宮裏遊以拂子打圓相云廣
寒宮開也解進步者請出來衆無語師云休休休依

然立在下稍頭下座

超躓四旬爲小佛開光修懺保子請上堂佛真法身
猶若虛空虛空何處有大小應物現形如水中月水
月更開什麼光然事無一向理亦隨人忽朝發起正
信心泥塵變換黃金相啓莊嚴勝會顯固有靈明宿
世寬愆當前解脫累生福壽直下圓成所以道大匠
無繩墨良材無曲直紅輪出海東境界皆烜赫如是
則知梁皇殿上懺摩光中郝氏以蛇身而作佛身卽
凡果而證聖果早已多事了也且母子安居永不相
離一句作麼生道履地戴天咸慶快萱蘭瑞氣繞庭

幃

上堂夫子不識字達磨不會禪
貓兒作狗子烏馬讀烏焉末季相傳無證驗
窟廝炒兮餓廝煎金粟還免
得此過也無以手指上云天

開爐上堂僧門舊店新開相席打令鉗錘重運煨聖
煉凡精金不變則且止臨濟德山事若何師便打進
云恁麼則聞名不如見面也師又打進云龍門浪暖
翻身過霹靂何妨透頂來師復打云重加點額去僧
一喝拂袖歸衆師乃云十字街頭后敢當見者如恒
河沙數南方爐頭賓主句道著者似火產蓮花衲僧

家出一叢林入一保社受盡千鎚萬鎚打不轉有什
麼用處忽有一鎚便就與夫不假一鎚底出來壯佛
祖威光作人天眼目只此爐鞴宏開今日也不消得
何故道秦弗傳天子令時清休唱太平歌復舉天童
密師翁示衆云太白山中儘有柴一株不許衆人搬
老僧不是多護惜爲要諸人徹骨寒師云大小師翁
雖則徹底婆心看來亦成護惜不肯兒孫則不然金
粟山中柴沒燒隨時買兮隨時挑任他柴價貴和賤
總要諸人額面焦莫是狼籍常住難爲大衆麼阿呵
呵多少業識茫茫之流盡向這裏錯會

撰述
上堂出格堂堂大丈夫面門黑漆髮眉麤藤條橫亞
千峯上不顧西來碧眼胡與麼事記得無喝一喝云
將謂吾負汝卻是汝負吾

海鹽縣劉門高氏法名超鑑捐貲助刻
祈自身康泰壽命延長者

百癡禪師語錄卷第六終

百癡禪師語錄卷第七

嗣法門人超宣等編

嘉興金粟山廣慧禪寺語錄

觀周徐居士祝壽請上堂僧問貝葉全翻演薩婆祥
雲繚繞法筵多政當恁麼時如何是祝壽一句師云
龜鶴何能喻喬松莫與齊進云當陽句子蒙師祝海
屋添籌匹似閒師云須知心地感不用話東西進云
只如孝廉觀翁生平作大護法未審吾師以何報答
師舉拂云會麼進云恁麼則金山永運降魔杵接踵
三洲感應人師云爭奈知音者少進云某甲禮拜和

尚去也師云直須頭點地乃云皇天無親惟德是輔
受人之託忠人之事蟠桃五百年一開花五百年一
結果山僧今日撮來如彈指頃拆出廣慧堂前爲觀
翁大護法壽令其景福如川方至鶴算如同如陵在
在處處陰子陰孫得不退轉地憶於春初觀翁曾有
分家偈云少室一花開五葉子家內外喜同轍庭前
各衍舊風雲笑傲乾坤展大業大衆還識伊展大業
麼功名富貴匹似等閒佛乘禪宗欣然從事涼亭煖
閣縱目所觀月渚烟柯賞心無礙觀翁與麼道山僧
與麼舉大似沒孔箇撞著檀拍板汝等諸人如何酬

唱良久云會天巾地祥雲起無古無今瑞氣騰擊拂
子下座

冬至上堂日南長至慶無不利古榦寒梅全增意氣
不向熱鬧場中鬪芳菲偏於冷淡堆頭放出兩點三
枝清香旖旎禪家流莫瞋睡等閒攜手出松門撥草
尋幽足有十分雅致風蕭蕭雲曳曳狹路歸來忽遇
著張先生李道士又且如何向他道陰消陽復在斯
時吾道大亨甚易易復舉石鞏禪師爲獵人時趁鹿
從馬祖庵前過問祖還見鹿麼祖云汝是何人鞏云
射獵人祖云汝一箭射幾箇鞏云一箭射一箇祖云

汝不善射鞏云和尚善射不祖云吾一箭射一羣鞏云彼此是生命何射他一羣祖云旣知如何不自射鞏云若教某甲自射卽無下手處師云這漢曠劫無明煩惱今日頓息鞏遂擲下弓箭投祖出家師云后鞏尋常箭不離弦到這裏箭折弓銷也是偶然失彩馬大師一箭一羣固稱善發據實論量亦只得一箭一箇爭如金粟箭鋒所及盡法界含靈都在手中乞命汝若弗信且看今日一箭射一羣去也遂拽拄杖下座打散

入塔上堂僧問有物先天地無形本寂寥能爲萬象主不逐四時凋且道含有上座卽今是生耶是死耶師云山僧終不向汝道進云只如今朝入塔意旨如何師云古之今之進云恁麼則靈光獨耀無藏覆迴脫根塵任往還師云莫錯舉似人乃云生住善護庵死入金粟塔帶水自迴環清風常匝匝雖然還有不生不死底人且道住在何處於此見得分明含有上座受薦已竟設或未能山僧再與汝說箇夢話昨夜三更睡著時忽被大力鬼帥攝至第五殿閻王面前見一青衣童子恭身云請和尚舉揚般若山僧云諸行無常是生滅法生滅滅已寂滅爲樂童子復進云

請和尚再說山僧云止止不須說我法妙難思諸增
上慢者聞必不敬信便曳杖出門行未數步鑼鼓喧
天驚醒翻身原來是巡照底板聲響動大眾這箇夢
話與今朝入塔底意有少分相應也無汝等試原原
看良久云原得原不得相見莫疑猜鼻頭拽脫無羈
絆方信蓮花臘月開以拂子畫取相下座

謝化士上堂僧問如何是因齋慶讚一句師云南北
山相對東西有路分進云恁麼則施者受者均霑利
益去也師云重添註腳問如何是正中偏師云蒼松
留鶴舞如何是偏中正師云銀碗噴墨花如何是正

中來師云垂衣空劫外如何是兼中至師云相逢多
意氣如何是兼中到師云鼻孔各纍垂進云洞上家
風蒙師指向上宗乘事若何師云飛簷走棟進云謝
師荅話師云莫亂道乃云苦骨勞筋引信施披星嚼
雪過殘冬叢林庶事渾依賴舉目寥寥孰與同山僧
此者學些樣子爲伊酬勞去也遂舉兩手云將東弗
于逮作箇佛頭南瞻部洲作箇佛手西瞿耶尼作箇
佛身北鬱單越作箇佛腳只是不許踏著若踏著則
踏殺箇佛若不踏著二六時中又向甚處措足就裏
擺撥得開方不受人瞞昧所以道白雲影裏笑呵呵

兩手持來付與他果係金毛獅子子三千里外定誦
訛喝一喝

臘八上堂見道方修道不見復何修道性如虛空虛
空何所修廣西蠻福建子川僧浙僧一隊行驢腳馬
腳有眼如盲有口如啞大似好人不肯做偏要屎裏
臥有般漢聞與麼道便云世尊觀明星躔殊不知世
尊未入雪山以前錯了也既入雪山以後亦錯了也
及乎臘八夜觀明星又錯了也是汝諸人切莫將錯
就錯好雖然且道元上座還有錯處也無良久云錯
錯山門飛入藏樓角以拄杖卓一卓下座

因雪上堂僧問雪花未落時如何師云好進云片片
飛來時如何師云好僧禮拜師云與汝兩箇好萬事
一時休問瑞雪滿庭如何是乾坤一色底句師云富
貴銀千樹風流玉一蓑進云野鶴歸來添意氣帶得
瓊花遍界香師云乘時不翫賞日出奈伊何問斷臂
安心則不問填溝塞壑是如何師云大家共挑取進
云季冬嚴寒伏惟珍重師云不如歸堂喫茶好乃云
上天同雲雨雪雰雰有眼者見有耳者聞金粟無錢
酤美酒盡日醉醺醺拈棒打老鼠撞倒破砂盆敢問
諸人還知落處麼良久云未可全拋心一片逢人且

說話二分復舉圓通秀云雪中有三種僧一者蒙頭打坐二者吮筆吟詩三者圍爐說食師云蒙頭打坐還他擔板禪和吮筆吟詩可是嬌兒賣俏看來惟圍爐說食底在此時較爲親切何故不見道法輪未轉食輪先轉

追薦上堂根塵未斷灼然有死有生情識都忘隨處無來無去風光廓爾面目全彰佛祖均資人天景仰罪花凋而覺花發舉頭回萬劫之春業果謝而慧果圓轉眼破三生之夢故慎齋吳老居士七十二年前心存道合表裏一如七十二年後玉榦珠旒行蹤莫

辨政當七十二鐵笛橫吹作散場一超直入如來地如是則山僧陞於此座演說摩訶已是落二落三落七落八了也雖然也有箇好處且道好在什麼處撥開彼此眸中翳驀忽相逢見自親遂豎起拄杖云還見慎齋居士麼更下座

入塔上堂一僧纔出師云山僧今日不答話僧佇立師便打復云山僧今日要答話一僧便喝師云何不早恁麼也又僧問設齋入塔未審聖林向甚處去師云倒握無星秤長遊不夜天僧禮拜師乃云無影樹千條萬葉無縫塔八穴七穿無鬚鎖掣動難開無絃

琴宮商莫韻山僧今日將此四般物件送與聖林禪
德向無生國裏安居無底船中垂手有時提無文印
印破毗盧面門有時挈無底籃包括須彌泰岱有時
倒握無星秤稱量三十三天梵王有時橫拈無孔鋸
擊碎一十八重地獄不是神通妙用亦非法爾如然
是汝諸人如何折合良久云臘盡春回冰已泮嶺頭
梅放數枝斜卓拄杖下座

歲旦上堂僧問昔日鏡清有僧問新年頭還有佛法
也無清云有意旨如何師云隨他語脉走進云又僧
問明教教云無又作麼生師云總與一筆勾下進云

二大老雖則正按旁敲簡點將來未免二俱失利今
日忽有問和尚未審如何抵對師云藤條驀口墜進
云恁麼則出古人一頭地也師云莫相塗污好進云
不是學人徒繼總當今具眼更何人師云三十拄杖
自領出去問豎拂拈棧則不問拈香祝聖句如何師
云一元開景運五福錫黎民僧舉坐具云元正啓祚
萬物咸新且道這箇是新耶是舊耶師云傳大士道
底進云大衆要會祝聖句直須向此見分明便拂具
歸位師云不消重賣弄乃云日往月來元正首祚鳳
閣鐘鳴龍樓旒布宮殿門開噴御香嵩呼萬壽人無

數於斯時也邦國賴以永康檀那賴以安阜風調雨
若五穀豐登我衲僧家戴天履地受國王水土之恩
到這裏莫道無可報答好且如何是報答底意頻將
薰陸燃金鼎願效葵丹祝聖明
人日上堂忽悟前三吾是我又逢上七日爲人良辰
美景無多邁一度思惟一度新巧勝金花縷調羹碧
菜勺山家自有風流興得意歸來不惹塵諸禪德與
麼舉揚還契合少林宗旨也無良久云天色清明樽
前柏葉休隨酒此身強健去去莫憂行路難

錢子玉薦嚴保嗣請上堂僧問人天曾集法座高臨

向上宗乘請師舉唱師云鐵牛愛喫無根草進云恁
麼則高提祖印當機用今古全彰向上宗師云眼裏
無筋莫浪傳乃云竹戶迎春風花心滴夜雨二三向
上宗四七單傳譜後來見孫巧畫描都來不昧箇中
主所以雪峯毬禾山鼓曾化驢玄沙虎等閒牽出衆
人前萬象森羅俱起舞金粟猶記昔日時竭盡精神
今攪盡腸肚直至而今算已清五五分明二十五報
檀那好看取但得心如鐵石堅自然福壽超千古然
雖如是還知伊令先嚴芳翁落處麼擊拂子云金闍
銀臺任所之優曇覆郁開無數

上元日解制君美得子請上堂僧問布袋頭開如何是縱橫十字底意師云全憑七尺青筇子收拾春風一擔挑進云恁麼則機輪轉處作者方知師云莫墮酸糞甕又淹淡醋缸進云覲面分明無向背直入千峯與萬峯師打云也須記取這一頓乃云二代禮樂備於禪林并力荷擔全在英俊故昔日之結也雍雍肅肅有主有賓住者隨汝住我不用錐錐汝今日之解也并井條條如規如式去者隨汝去我不用鉤鉤汝雖然鉤錐不用要且痛處難忘古德有言一手不獨拍衆手鳴擗擗豁開三要三玄門堪與人天爲軌

則金粟已知事必如斯逗到此時豈忍坐視春風不假片語分付惟冀各各虛心諦聽店面橫鋪只皂角磯頭垂釣少香綸閣黎慎重諸方去魚目無勞認作珍復舉藥山晚叅云我有一句子待特牛生兒卽向汝道時有僧出云特牛生兒也自是和尙不道山喚侍者點燈來其僧抽身入衆師云藥山如登壇宿將高豎纛旗這僧敢突出當鋒纖毫弗犯是卽是未免龍頭蛇尾金粟此者則不然我有一句子待居士生兒卽向汝道忽有僧出云居士去歲已生兒也請和尚道只向他云幸值上元正月節燈燈續燄轉光輝

下座

上堂僧問春眠不覺曉處處聞啼鳥夜來風雨聲花落知多少請問和尚還有不落底花麼師舉拂子僧作拈花勢云正是此花萬古無冬夏香繞三千及大千師云爭奈大眾笑何乃云諸佛心源毫無滲漏依而行之事事成就求子者得子求壽者得壽莫道渠儂口饒譎繇來種穀不生豆復舉藥山問僧甚處來僧云湖南來山云洞庭湖水滿也未僧云未滿山云許多時雨水爲甚未滿僧無對師云藥山意在揚波激浪可惜這僧涓滴弗存後道吾代云滿也又雲巖

云湛湛地總是隨語生解背後把水相澆有甚麼用處若或金粟待這僧道未滿便與一頓痛棒打出直饒伊手眼通身也須和頭浸卻

聖節上堂星樞電繞華渚虹流兆應至人垂慈示現丹陛飛旌趨虎拜玉卮壽酒進宸章此是當今世界主無爲致治底時節金粟此者不用說種種法門種種功德只可佛殿燒香同大眾三呼萬歲蒲團靜鎮風簷下永日寥寥謝太平

出關請上堂未進關以前腳踏地頭頂天旣進關以後推不行約不走逗到如今千日功圓玄關大啓一

條柳標挑盡海畔春風兩箇粗拳打落雲邊鐵鷁瀟瀟灑灑斷斷吒吒放去收來得自由橫拈直撞了無礙然雖如是忽遇著岑大蟲又作麼生極目也知沒避處死生一決見英雄卓拄杖下座

到福業寺衆鄉紳請上堂僧問珠林開曉日雉蝶插清池這是和尙隨身宮殿如何是接物利生一句師云風暖鳥聲碎日高花影重進云與麼則人人點首箇箇知音去也師云闍黎分上作麼生進云不是獅子子爭敢露鋒鋩師打云輸吾一著乃云佛國人文秀華城禮樂多昔年曾寄跡今日又重過先德有言

凡所寓處或有大信心大根器者不妨時來聚晤默奏無生所以山僧此者勢弗獲已放兩拋三總非爲別事是汝諸人如何委悉鷲拈拄杖云看看拄杖子騎佛殿出三門走上天寧塔與秦駐峯鬪額引得楚石琦翁眨眼莫及羸皇土地縮首靡從向梅梢影裏同聲而歌曰綠楊垂帶草萋萋夾岸春風觀馬蹄興罷移筇歸故里隔窓靜聽鷓鴣啼恁麼說話喚作平常句也得喚作玄妙語也得喚作如來禪也得喚作祖師意也得忽有箇漢出來道不得不得山僧拄杖子別有生機一路且如何是生機一路以拄杖卓云

還會麼全提正令如雷疾臨濟德山亦汗顏下座
祝壽請上堂僧問畫閣香房雲月淨紫羅帳裏繡鴛
鴦鴛鴦則不問如何是金針師舉拄杖進云如何是
鴛鴦師便打僧作展翅勢云鴛鴦繡出請師點眼師
云猶自不知僧作飛勢而出師云轉見敗露問岸柳
舒金彰妙體設齋底意句如何師云靜裏乾坤大閒
中日月長乃云綠暗紅稀三月節枝頭蜀魄啼聲切
分明報道不如歸何用山僧重指說有一說最奇絕
直如弦冷似鐵浮生花甲盡翻過袖裏驪珠光透徹
是汝今日還知當前受用處麼無限籌添海屋中壽

山千古目軒凸復舉秦國法真計氏嘗祭狗子無佛
性話後有省作數偈呈大慧其一云逐日看經文如
逢舊識人莫言頻有礙一舉一回新師云壁合珠聯
是伊閨閣中物若非工於淬礪爭見徹底光鮮王氏
孺人豈獨無耶但願二時勤著力等閒流露洞中春
下座

寧波沈仲華請上堂僧問開方便門示真實相如何
是真實相師云身居本地風光裏愁擲他方世界中
僧禮拜師乃云明州市上市地祥光曹女江頭潑天
玉浪高下好山疊疊往來帆影重重布袋和尚嘗在

其中放癡放憨直至而今未曾休息汝等便恁麼信
去已於數百里外與金粟相見了也所以道隔江見
剎竿回去腳下好與三十棒何況過江來然事無一
向既到這裏金粟亦當相體裁衣曲垂方便遂豎起
拂云還見麼有眼決定是見擊香几云還聞麼有耳
決定是聞聞見果爾分明何愁轉身無路鷗灘水碧
盡是箇有家鄉角里雲橫不離會門宮殿華開果熟
左右逢源福集壽增異同合轍政當此際家家路透
長安一句則不問只如未跨船舷時與卽今所見相
去多少還會麼溪巒應是有差異雲月須知總一般

復擊香几下座

佛誕徐氏爲令郎巖生進泮請上堂父母愛子心無
不至教以詩書培以禮義去齡十五入黌宮今日初
八來佛地且旣來佛地合作麼生滿盤托出天香供
佛誕私恩一并酬復舉趙州因一秀才云和尚是古
佛州云秀才新如來師云趙州與秀才正所謂愛
人者人恒愛之敬人者人恒敬之後南叟菟頌云廣
寒宮殿淨無埃已是逢君八字開丹桂不須零碎折
等閒和樹扳將來大似錦上鋪花又多一重光彩山
僧忍俊不禁再與一頌和尚古佛秀才如來同敲舊

拍板把手上高臺幾回歌笑幾回舞落落清音動九
垓卓拄杖云更記他年桃浪暖禹門躍變起風雷
緇素爲蓮禪師作供請上堂僧問承和尚有言此方
緣盡他方顯化此界身歿他界出現且道蓮禪師卽
今在什麼處師云領取前話進云恁麼則信步踢翻
生死窟魔宮佛國任遨遊師云重言不當吃問昔日
世尊涅槃今朝蓮師示寂未審是同是別師云苦瓠
連根苦甜瓜徹蒂甜乃云昨夜雷轟電掣一枝法炬
吹滅驚起露柱燈籠撞入虚空迸裂狸奴白牯念伽
陀少室鐵牛雙角折折折教伊有恨無處雪山僧幸

與同條生隨例將龜證作籠只如今日衆弟子入寺
營齋且道蓮如禪師還來受食也無若道來爲什麼
喚不應若道不來又供養箇甚麼這裏個儻分明便
見得蓮如禪師面目儼然現在其或未然龕前更添
一分供笑殺東村李四郎

上堂僧問檀信營齋意甚篤請師說法句如何師云
閒中有富貴壽外更康寧進云和尚只爲學人分上
大家分上又作麼生師云總不干汝等分上事進云
畢竟如何師云問取檀信去乃云尋常無事時愛揣
虛空骨況值請陞堂如何肯便歇山僧學箇村長老

念誦去也遂舉拂子作搖鈴勢云南無佛南無法南無爛冬瓜南無乾矢橛以此振鈴伸召請黃金殿上自超越回向檀那福壽康一聲長嘯乾坤濶乾坤濶活鱖鱖是則名爲真如來諸尊菩薩摩訶薩良久放下拂子云山僧念誦了也衆中或有出來道和尚受人之財爲人消災山僧與他半分覷或有出來道和尚梵音清雅令人樂聞山僧亦與他半分覷何故不圖自他會利且貴報德酬恩忽若總不與麼時如何喝一喝云包天括地誰能禦耀後光前只一鎚

劉伯隆修薦請上堂僧問賓主相看則不問薦超一句請師宣師云頂冠束帶儼然在九品蓮中妙果圓進云正是千江有水千江月萬里無雲萬里天師云曲盡今時孝子心不須瞻望悲風木進云代代華簪盛綿綿續祖燈師云好本天下同乃云水綠山青千端錦繡蛙鳴燕語一部鼓吹善觀不在雙眸解聽豈憑兩耳直下便會富有多般撩起便行奇無兩樣到這裏一大藏教半點用不著到這裏一大藏教字字用得著敢問諸人用不著處爲什麼卻用得著自古道今衲僧口憤憤者似葦如麻實端的透徹者百無一二惟許大福德大力量底漢等閒撥轉天關掀翻

地軸迺可超凡越聖起死回生山僧今日以如是心說如是法會請一切有情無情同入清淨解脫門與過去十週年大中大夫劉長源翁及誥封崔氏老夫入爲不請友同一眼見同一耳聞同一心知同一受用作殊勝利益佛事成不可思議功勳且畢竟憑箇什麼道理便能如是舉拂子云只爲渠儂多意氣當年曾謁聖明君

生日上堂僧問輪珠壽算等先哲德被瀛寰化日長如何是德被瀛寰底意師云一條柳樛任縱橫進云和尚太狼籍了也師云卻被上座簡點進云道泰不傳天子令時清休唱太平歌師打云山僧只要惱亂人問金雞啄破千層浪玉兔衝開萬里雲正恁麼時請師舉唱師云簷影分來半壁日鐘聲敲送一林風進云知師本具超方眼何用拈槌下釣鉤師云理合如是進云鶴頂本無朱點就鳳毛豈用彩粧成師云又多一重絡索乃云四十餘年事風流分外奇單瓢常掛壁兩鬢半垂絲鱗肉不多見狐涎力掃之隨他來與往問著痛加錐金粟恁麼告報猶如老鼠上天平是汝諸人讚揚一任讚揚毀謗一任毀謗毀謗獲一分功德讚揚亦獲一分功德毀謗獲無量罪過讚

揚亦獲無量罪過且畢竟如何分辨雲在嶺頭閒不
徹水流橋下太怱生

禱雨上堂僧問雷電未興時如何師云山僧亦無如
之奈進云忽然雨似傾盆時如何師云大家喜慶進
云怎麼則三草二木各得生長去也師云重說偈言
乃云旱魃興災商羊不舞念彼龜田民其勞苦山池
何物是真龍解向空中注大雨驀拈拄杖云看看拄
杖子化爲龍走鹽城東畔取水去也十光明龍王百
光明龍王娑竭羅龍王佛生太子龍王一齊佐助油
然作雲沛然下雨令禾苗連秀野瑞果遍芳郊人人

喜氣盈眸戶戶咸歌大有然雖如是且道此雨從龍
口出耶從龍眼鼻身出耶殊不知總不恁麼所以華
嚴經云譬如大龍隨心降雨雨不從內亦不從外如
來境界亦復如是諸仁者要識如來境界麼擲下拄
杖云一滴能包四大海曾天匝地散爲霖

上堂三伏時臨炎威方熾惱殺禪和無處回避避作
麼清涼樹下猶嫌熱更有農人趁夏畦

秋日喜雨上堂甘霖灑旱地況復值新秋萬木炎光
澹一天翠靄浮收成洵有望提挈可無憂從本超方
句諸人各自謀

保安上堂僧問一派曹源則不問五家宗旨請師宣
師云從頭問將來進云青天轟霹靂陸地起波濤如
何是臨濟宗師云闍黎滿口道了也進云單刀直入
時如何師便打僧喝師又打進云紅旗閃爍一鍬遼
空如何是雲門宗師云山僧不須重註破進云坐斷
一字關時人皆拱手師亦打進云偏正叶同針來線
去如何是曹洞宗師云他家自有兒孫在進云當機
不犯時如何師云禮拜去進云恁麼則君臣道合上
下和平去也師云不干闍黎事進云暗合機輪事理
不二如何是馮仰宗師云看汝跳他不出僧打圓相

云天下老和尚亦跳這裏不出師橫按拄杖僧就圓
相畫一畫師拈拄杖抹卻進云山色溪聲常光獨露
如何是法眼宗師云明明任看取進云恁麼則康僧
橋畔不是人間師云闍黎曾走幾遭那進云一般清
意味惟許作家知師云不如歸位著進云五家宗旨
蒙師指葉落歸根意若何師復打云且道這一棒是
賞汝是罰汝進云漏逗了也師呵呵大笑乃云作是
思惟時十方佛皆現汝諸人從朝至暮念念思惟還
會現佛也無若道現何異病眼見空拳若道不現釋
迦老子豈有妄語分所以金粟十度發言九度休幾

五言
照述

保安上堂語錄卷第七

支那

五言華市語錄卷第七

大

回買來還自賣返到此際無甚閒氣力與汝商量只
要饑餐渴飲晏坐困眠下面有人支撐逐日挨補得
過便是快樂田地是事且止保安一句作麼生道病
惱頓祛他界外婺星長拱畫樓中復舉僧問玄沙備
云險惡道中以何爲津梁備云以眼爲津梁僧云未
得者如何備云快救取好師云據本明宗不無備老
應機取則須讓山僧有問險惡道中以何爲津梁向
他云以布施爲津梁更云已布施者如何向他云自
無險惡

密老和尚十週年忌日上堂六踞精藍開盡英雄活
眼單提寶劍截斷邪妄藤窠各上達於帝闈澤下敷
乎率土化緣旣畢示寂初秋屈指韶華奄有十載兒
孫角峙箇箇如象驥奔騰正法流通處處似鯤鵬躍
變子小子忝爲苗裔又值觀翁居士冒暑入山設供
到這裏合作麼生遂起身插香云念翁之德兮地天
長仰翁之道兮日月光水有淵源兮木有本披肝瀝
膽兮此瓣香瓣香已焚曾請頭首大衆護法檀那同
詣祖堂念誦作禮三拜

孝廉湯禹仍請上堂世間所謂孝者不過生事之以
禮死葬之以禮祭之以禮而已據山僧較驗將來用

禮則不無若欲超度先親出生死海卻未得要得度親出生死海麼從上大覺世尊有箇轉大法輪底樣子能爲一切人解黏去縛脫死超生今日因禹翁居士大展孝思捐清淨己貲啓莊嚴勝會不妨乘時向人天衆前爲伊拈出然此大法輪高而無上仰不可及淵而無下深不可測自是當人無量劫來現成受用境界直饒千佛出世各放寶光也侵占他星兒不得遂拈起拄杖卓一卓云山僧盡力轉了也就箇裏信得及去便可以截斷衆流歸家穩坐無親不度無願不酬無罪不消無福不備樹林水鳥頭頭揚解脫

之音月徑風簷在在顯菩提之路是卽是也只轉得一半且道那一半畢竟倩阿誰轉豈不見道未度還須度度了度他人伏望過去尊靈現存眷屬大家共出隻手好復卓拄杖下座

壽日懺經請上堂杖頭敲轉白蘋風奇趣瀟瀟獨我儂有客到門來問道指看山頂一枝松蓋此一枝松自昔至今葱葱鬱鬱兀兀亭亭影動龍蛇收拾九十九峯之秀氣根盤空劫透漏千七百祖之宗猷坐於斯歌於斯清騷傑士卽不得離不得俊俏禪和悟之者物我同元迷之者雲泥頓隔山僧算去推來亦不

知從何甲子而生從何甲子而住且就壬辰吉歲秋
仲長期借出一段風光爲印門朱孺人六旬壽所謂
壽比青松長不老枝枝葉葉總歸真意者其在茲乎
法華經云我今爲汝保任此事終不虛也敢問孺人
而今祝壽懺經已竟作麼生是此事還委悉麼夢眼
豁開天地闊何勞戶外覓三車

中秋僧長伊病篤請上堂僧問年光無寄日時節至
中秋政當恁麼時如何師云一輪瀾滿寒秋色進云
常時之月與中秋之月是同是別師云汝試具隻眼
看僧豎指云這箇又作麼生師云蹉過了也進云蒼

天蒼天師云果然果然進云和尚卻自知過師云蒼
天蒼天僧喝師便打乃云平地神僊生前贏得十分
耀潑天富貴死後難免一堆泥長楊古道雜荆榛牧
豎樵夫過不問先德有言昨夜蟾宮桂子開好風吹
下天香來昭王白骨埋青草無人爲掃黃金臺到這
裏炎涼之態可以暫銷麼生死之心可以稍醒麼我
衲僧家終日擦禪磨裙以吝叅爲急務但能洞徹法
源如中秋月行空皎皎瑩瑩無遮無障則生也得死
也得浩浩全身難隱匿生而作死因也得死而作生
因也得大用神機渾莫測覆去翻來我獨尊頭頭不

離婆伽國且應時應節底句如何指陳以拂子打圓相云一輪瀾滿秋色萬里清輝走笛聲

上堂鶯鶯翹足灘頭不爲無意螺贏抱鈴穴底終是有心金粟從來姜太公隨伊負命上綸釣若或依蝦水母逐浪吹烟縱爾得之亦成什麼邊事所以道折脚鐘兒寧自挈灌瓜何必日輪中喝一喝

因病修殿請上堂火風地水合而爲身土木瓦磚營而成殿身病如殿之缺漏欹斜身安如殿之輝煌壯麗是故錢老夫人因致病之身發意此山修殿殿修則身安身安則福至斯皆自然而然不由勉強者也

政當恁麼時嶼城渡口指月庵前桂子花開漁舟響答總是尋常呼奴使婢穿衣喫飯底受用處但能一了一切了一明一切明管取八面玲瓏十方洞達能爲人天標榜永作佛祖奇觀且功成意滿如何慶賀擊拂子云畫樑平定香雲繞寶鐸高懸勝日長

開爐上堂拈拄杖云祇這箇不用則已用則千里萬里風颯颯地十方諸佛無敢違者天下老和尚無敢越者故曰撥開星火亘天紅凡聖銷鎔烈焰中非是渠儂誇好手都緣妙契本來宗然雖如是未免太峻生今且以目前片地爲爐取山頭楫柁爲炭大家不

費纖毫力渾身炙得煖烘烘十方諸佛拈同一邊天
下老和尚放過一著麤羹淡飯聊遣時光打坐經行
隨心所欲只是不許昏沉瞌睡若也昏沉瞌睡眉毛
被火燎肉爛與皮焦那時怪山僧不得是事且止衆
檀護入山共扶砂盆永弗相離一句如何話會三點
一鈎堅似鐵奇巒九九自生輝卓拄杖下座

印元章得子請上堂世尊拈花迦葉微笑馬祖一喝
百丈耳聾爲復是鍼芥相投爲復是如蟲禦木諸人
還知端的麼獅子自生獅子鳳凰應產鳳凰兒復
舉雲門示衆云祇這箇帶累殺人後東山空拈云雲

門尋常氣宇如王作恁麼說話大似貧恨一身多山
僧卽不然祇這箇快活殺人何故大雨方歸屋裏坐
業風吹又遶山行然雖如是也是乞兒見小利師云
二尊宿總似徐六擔板各見一邊殊不知帶累中有
箇快活處快活中有箇帶累處若要涇渭分明須實
到這田地始得

冬至上堂淵明好種柳茂叔喜栽蓮清懷雖邁俗所
見各枯偏爭似山僧沒意智瀟瀟灑灑釣月耕烟向
無陰陽界上插一莖草開花結果馨香於曠劫未兆
之前誰管汝地誰管汝天又誰管他冰河燄發古幹

春旋是汝諸人還知落處麼卓拄杖云楊州鶴已冲霄去不用腰纏十萬錢

上堂常住枯枯淡淡戒子落落星星偶因檀信虔請佛法私當人情爛生薑陳皂角穿心碗折腳鑄一一搬來君自領莫向背地裏小怪大驚家居古爲鑑修福世作程閒來笑指門前樹歷歲長年不改青復舉僧問香林如何是衲衣下事林云臘月火燒山師云香林指鹿爲馬不能令這僧覲體現前亦成虛設今日或有問如何是衲衣下事但云汝試抖擻看待伊定動連棒趁出管教伊做箇一員無事道人

臘八上堂未上雪山眉卓朔忽瞻星斗眼睇麻機先贏得嘴頭滑半是力耕半賣花驀豎拂云金粟裂破面皮入這行戶去也莫有乘時清賞者試出來酬價看良久云可憐狼籍許多香不遇拏郎生受屈

道舊至上堂撞著道伴交肩過一生參學事畢大小長慶只了得一頭山僧則不然撞著道伴交肩過還有事在且道是什麼事一賓一主電閃雷奔有眼者見有耳者聞諸人若作佛法商量入地獄如箭射

上堂立春日鞭土牛頭頭不放過棒棒有來繇寒山拾得浴街叫淖沈老漢鬧啾啾山僧問云鬧何事他

道我這條白棒打佛打祖不輕易發今日被那一夥人狠狼籍惱亂春風卒未休山僧卻向他云休四海幸然清似鏡勸君莫與路爲儼

嘉興府平湖縣許門劉氏法名超翰捐貲助刻所鶴算延長龜斯肇慶吉祥如意者

百癡禪師語錄卷第七終

百癡禪師語錄卷第八

嗣法門人超宣等編

嘉興金粟山廣慧禪寺語錄

歲旦上堂僧問歲朝文武分班立四相來朝事若何師云共唱太平歌進云恁麼則風吹雉尾搖宮扇日照龍鱗識聖顏師云自是他分內事僧作禮云萬歲萬歲師云汝合知恩問舊年意肯則不問新年佛法是如何師云一隊兒童學簸錢乃云地泰天清面面好山呈瑞色人康物阜家家杯酒暢春風且喜玉曆頒新尤愛金輪似舊展衲僧向上巴鼻祝聖明壽算

無疆慧日照我檀那千祥畢集鴻恩敷乎邑甸百福
咸臻與麼舉揚還當得新年頭佛法也無偶爾前村
曳杖過南牆送出早梅香復云新年頭看采頭懸羊
頭賣口頭大家團團頭坐對火爐頭切莫頭上更安
頭無事強出頭若也強出頭一棒定然打破頭卓拄
杖下座

祈壽請上堂僧問檀度設齋和尚將何慶讚師云雲
靜三山秀天空兩鶴高乃云康僧橋下水角里山腰
松顯露本來壽全彰福德容自古迨今無變改常懸
明月拂清風逐色隨聲底已作等閒遊戲鉤玄研妙
底喚作小可神通殊不知道源非遠性海易窮惟許
其人就地默契自然頭正尾正心空眼空所以龐公
策籬后鞏張弓俞婆糍盃長沙大蟲當時極有餘態
今朝尚見遺蹤金粟此者總與一齊按過分付超賓
居士渾家共演真宗寶卷攤開香正薺壽山高拱白
雲中

上堂僧問設齋修薦和尚如何酬答師云蘇嚕蘇嚕
進云還有轉身處也無師云悉唎悉唎進云法王座
上獅子吼翠竹黃花古佛心師云不須更念薩婆訶
乃云碧雲天清霜地明明歷歷祖師意當人若解究

根源左之右之無不是語也是默也是書樓傑閣任
遊戲一聲幽鳥韻如簧坐倚欄干莫假寐生也是死
也是極目風光何處避說甚騎箕入帝京十週年杳
空垂淚滿慈迎鴛子至動搖國土顯奇異玉毫閃爍
玉蓮香頂禮如來親受記然雖如是已故薦只水臣
二居士切勿向這裏躲跟更須知有向上事且向上
事作麼生豈不見道無佛處急走過有佛處不得住
踢脫兩途中弗居利竿頭上翻身去以拂子畫_(土)相
喝一喝

解制上堂僧問今朝解制放出許多獅象未審和尚

如何降伏師擊拂子進云忽變作羚羊時如何師云
隨他作去就進云老大大被學人一吼全體俱現
師云是汝好手僧喝師云不肯承當那乃云鉢囊高
掛到頭雲定覓山來竹杖橫擔畢竟水須朝海去然
去者自去春至野花馨我不爲汝而留住來者自來
味羶蠅子聚我不爲汝而打開從教路平似砥語響
如雷是龍展翅騰霄漢蚯蚓重遭腦後鎚只如無去
無來不涉解結底人又作麼生欸待別甌炊香應弗
惜明窓靜几好安排復舉黃檗斷際禪師云汝等諸
人盡是噇酒糟漢恁麼行腳何處有今日還知大唐

國裏無禪師麼時有僧出云諸方匡徒領衆又作麼
生榮云不道無禪只是無師師云定龍蛇作畧擒虎
兇機權直令于聖立下風萬象森羅齊乞命斷際遠
祖可謂好手中呈好手紅心心裏中紅心山僧今
日垂示則不然汝等諸人盡是英靈漢恁麼行腳也
不消得還知大清國裏無禪師麼忽有僧出云諸方
匡徒領衆又作麼生但云不道無師只是無禪且什
麼處是無禪聽取一頌大用真機不現前脂唇粉臉
靠牆邊年深也解育兒女引得平人顛倒顛顛倒顛
法脉於今一綫懸喝一喝

上堂君子務本本立而道生如何是本莫道我謾汝
打地和尙拈一條拄杖東打西打不曾打著箇人秘
魔老漢擎一把木叉東叉西叉要且無有合煞金粟
可知禮也禮之用和爲貴自然發皆中節矩度可觀
有朋自遠方來雖蔬食菜羹不敢不飽大衆金粟何
似孔夫子還會麼取捨之情如未嘗莫於平地起稜
層

上堂古者道供養百千諸佛不如供養一無心道人
又云莫謂無心便是道無心猶隔一重關既是無心
猶隔一重關如何勝過諸佛又如何消受供養於此

見得諦去方知古人舌上起荆棘路平心不平然今日不二上座同信女行賢入山設齋總不論汝是佛是道人是有心無心是隔一重不隔一重只要會同供養了卻自己本懷便稱快活田地且作麼生是伊快活底田地擊拂子云罪花凋謝福花茂正覺光中自在行

上堂烏啞啞鵲啁啾犬司夜鷄司晨一種靈光到頭自用各不相襲各不相知人爲萬物之靈如何知他用處委悉麼莊生濠上觀魚樂尼父臨川歎逝波許錫侯祈嗣上堂心地含諸種會雨悉皆萌頓悟花

情已善提果自成善哉善哉大小能祖恰似翫弄手中明月珠令彼魚龍知性命丹山生鸞鸞獅子產後猊棒下摩醯眼徒誇第一機快哉快哉大小杲師恰似十字街頭看厮撲爲他喝采長威風金粟此者相席打令順水行舟且貴正脉流通家聲不墜未審汝等如何趣向良久云多子塔前消息在一番提起一番新復舉僧問興化多子塔前合談何事化云一人傳虛萬人傳實師云秉殺活刀劍不無興化老而今或有恁麼問但云東君回暖律擎發樹南枝汝若識得來處報答檀那有分

超瑗請上堂靈機迅發射穿凡聖觸骸智鑑晶瑩洞
徹人天肝膽縱擒互換照用齊彰三玄戈甲精鮮九
帶綱宗畢備此是我衲僧家尋常施設今日且拈過
一邊何故只爲茲者千華釀秀萬木回春施主虔誠
莊嚴勝事所以放開線道堂中增海屋之籌逗漏風
光筆底現瑤池之瑞直教人人默契本旨在在實證
希奇延壽壽無有涯植福福不可量山僧慶讚已竟
敢問諸人助祝又卻如何有麼有麼如無再圓前話
去也樓閣門堆爛熳紅山山好鳥弄晴空透巡不撥
波心棹爭信玄關有鑰通且鑰匙在什麼處以拂子

敲香几下座

請西堂爲監院上堂正眼豁開城市山林不異面皮
掇轉人情佛法相通斯乃從上徽猷亦係今時表率
奔南走北妙契機先移西就東奇出意外龍吟虎嘯
風雲起賓主賴以安和道泰時清言令行砂盆可無
傾覆政當此際大家奉送一句作麼生道滿園綠竹
咸抽笋一箇人來監院房

清明上堂初七清明三月節枝花朵杜鵑血往來
多少掃墳人荒草堆邊空哽咽休哽咽形山上有本
爺娘二六時中也須辨別忽然辨別得出時如何溢

目青葱惟自適賒雲不費杖頭錢

周邑岐請上堂僧問若論此事終不虛也如何是此事師云帶烟干井樹和磬一樓風乃云提向上機須具向上眼說家裏話必待家裏人且作麼生是家裏話還知麼仰之彌高巍巍獨露紫金毫鑽之彌堅不動腳跟遍大千瞻前在後無位真人已漏逗所立卓爾胡僧打落當門齒向這裏掃著鋒刃便見天地位萬物育總是自己妙性圓明中發現更說什麼柏樹子麻三斤喚作扇則觸不喚作扇則背所謂一句透千句萬句皆透一機通千機萬機皆通有時來廣慧

堂前共彈格外之琴韻高和寡有時登雲岫山頂橫吹沒孔之笛月白風清唱隨永享年操縱無適不可山僧與麼道居士還肯點首也無良久云圮橋不進先生履一卷奇書未易傳

上堂今朝三月半底事如何斷門外落花多啼鶯聲繚亂王孫一去不歸來幾度扶筇瞪目看良久云來也來也馬蹄春已足攜手步遲遲是汝諸人還見麼
喝一喝

上堂天無私則常覆地無私則常載日月無私則常照人心無私則忘彼我泯是非大道無私則融聖凡

了迷悟驀拈拄杖云拄杖子列列掣掣晝夜爲諸人演無私法直得風輕日暖麥秀花香高低塢裏喚黃鸝上下簾間飛紫燕自是諸人等閒蹉過不能直下承當而今或有箇承當底我要問伊拄杖子在什麼處若謂山僧手中便是何異認驢鞍橋作阿爺下頷喝一喝

受懿天爲僧上堂僧問是法不礙菩提路今日披緇事若何師云光剃頭淨洗面進云從茲割斷塵勞網共踏毗盧頂上行師云聖難知凡莫見進云四恩不妄報方顯丈夫心師云切忌亂走乃云兩期勤聚首

得度在今朝蕉鹿夢初醒瓶鷲興倍饒身披百壞衲杖挈一輕包佛祖尋常事誰云去路遙且如何是不遙底去路驀豎拂云我欲仁斯仁至矣復舉三祖商那和脩問毬多尊者云汝年幾耶者云我年十七祖云汝身十七性十七耶者云師髮已白爲髮白耶心白耶祖云我但髮白非心白耳者云我身十七非性十七也祖知是法器後二載遂爲落髮受具師云三祖徹底婆心毬多太煞伶俐弟未免說心說性誤陷平人金粟則不然待他道我年十七便云有不涉十七者是什麼人就裏答得相應鉢袋子亦堪託付所

以道獅兒捉兔須全力奮臂螳螂可避車

佛誕劉氏爲令郎錫蕃鉉臣祈願請上堂城東老母
與佛同生而不欲見佛每見佛來卽便回避返顧東
西總皆是佛苦哉屈哉古今尊宿盡道伊氣槩天然
宛有丈夫之作殊不知早已墮坑落塹了也爭似鹽
城朱老孺人不與佛同生而偏欲見佛每見佛來卽
便供養念念心心無非是佛且畢竟如何是佛莫是
七步周行稱尊獨我爲佛麼嬰孩伎倆那堪誇莫是
趙州殿裏詔陽屎橛爲佛麼狼籍葛藤可截斷莫是
現今相對坐立儼然爲佛麼直饒領畧進前去也係

傳言送語人有人道得接手句山僧大展三拜如無
再舉箇古頌與汝發明虎豹文章麒麟頭角燦地輝
天堆山積嶽拶破面門兮蓋色騎聲迴脫羅籠兮解
黏去縛罷卻干戈百草頭秋空萬里飛雙鸚喝一喝
下座

結夏上堂殿閣風高擺列青巒九九娑羅樹古飛來
白鳥雙雙洵檀那植福之場稱衲子安居之地頭頭
無室礙何須限三月以護生歷歷不囊藏堪笑效九
旬而禁足事弗獲已將二千餘年陳規舊套整飭從
新大似胡孫喫糍糕搭黏手腳然雖如是就中也有

箇脫灑處還會麼睡起南窓燕子過疎簾半捲自吟
哦一杯晴雪香纔了杖倚松門看綠蘿是汝諸人若
要恁麼去就且待蠟人已冰時爲汝證據只如茲者
檀那植福底意如何指示卓拄杖云三業頓除添福
德寸心常淨現優曇

上堂禮拜若爲真得髓信衆亦合傳衣默然總攝不
二門啞兒可稱紹聖英靈漢子俊俏禪和須用老者
婆肘後神方莫學水潦鶴口邊訛說別行異路任汝
甘草苦黃連甜大展全機何啻砒礪良醜酬毒所以
道事無一向理有多般今古平人被陸沉都緣波浪

忒相似拈拄杖卓一卓云波浪起也汝等擬什麼處
出氣便下座

上堂象骨鞦韆小兒子戲明眼人前一場笑具還有
不涉見戲者麼自云有昨夜風翻滿地華天明翠鳥
巢高樹

生日正中送紅衣請上堂僧問迺出須彌頂銜來百
鳥花學人進前請師慶賀師云山僧終不肯塗污自
已進云彭祖春秋躋八百今朝打鼓樂無生師云汝
又要塗污山僧那進云某甲令轉新條去也師云新
條聲進云拈出少林沒孔笛大家齊唱太平歌便禮

拜師打云一棒賞汝乃云獻黃金歌白雪陳盛饌設
新衣侈侈奢奢喧喧鬧鬧世間禮數則固是衲僧門
下要且不然何故黃金之獻贏得手頭能幾時白雪
之歌閒言徒自污人耳盛饌陳乎丈室無過一餐新
衣設於座前只敷一體到不如向拄杖子上拶透根
源便見山僧壽日卽是諸人生辰諸人生辰卽是山
僧壽日門門合轍路路歸宗不用獻黃金而富超千
古不須歌白雪而韻叶九州盛饌不陳而陳歷年常
飽足新衣不設而設羣有已成披夫如是恭祝予壽
可謂至且盡矣敢問衆中還有恁麼人麼良久云一

舉山山齊點首祥雲瑞鶴潑空飛

獨露請上堂僧問昨朝祝誕今日重宣如何是重宣
一句師云移榻對青山捲簾當白晝進云高高山頂
立深深海底行去也師云低回無限趣料不與君同
問壽星騎鹿空中走未審是誰家境界師云東村鬪
大伯進云恁麼則梵音舍萬象瑞氣繞須彌師云又
被風吹別調中乃云脫白二十餘載建幢一十三年
佛法本無多子饑飡渴飲困眠恣性老波旬詆毀我
入泥犁惡趣真心大檀護讚揚我上兜率陀天山僧
聞之如疾颺過耳行藏用舍各隨其緣緣盡分行渠

撰述
不得緣在今舍渠不前可笑野狐雲外望更來躑躅
擬齊肩忽有箇漢云和尚慶生爲甚卻恁麼說山僧
向他道慶也慶也畢竟如何堂堂滿面非慚色全賴
此中不負人卓拄杖下座

端午上堂納社不消艾旗驅邪曷用蒲劒只有一道
真言要汝時時熟念如何是一道真言僧問趙州狗
子還有佛性也無州云無恁麼念纔是狗子還有佛
性也無州云無恁麼念便不是了也大衆念總一般
爲什麼一是一不是還知落處麼擊拂子云未到高
低路不識到來夷險任橫行復舉五祖演端午示衆

云昔有秀才造無鬼論論就放筆一鬼現身斫額云
汝爭奈我老僧若見以手作鵝鳩嘴向伊道山谷
孤師云秀才筆力不靈開眼遭鬼所魅五祖律令如
敕就中捏怪更多金粟待伊現身云汝爭奈我何但
云一鈞便上管取斂形杜口正論永爲流通

晒經上堂四十九年閒故紙千七百則爛葛藤疊疊
堆堆收拾不盡很很籍籍蠹蝕偏多今朝正值六月
六會請大衆搬出堦前風吹日晒任彼老凍儂貪淹
黑豆誰管禪和子穿透牛皮是則固是只如人人有
一卷風吹不入日晒不著底經又向什麼處搬起擊

拂子云頂門黻瞎金剛眼海藏龍宮盡打開
觀音成道日上堂大士慈悲無罣礙腰間拖箇風流
袋現身隨類度羣生償盡從前菩薩債今日是伊成
道之辰諸人若要相見且不必補陀石上仰挹風光
紫竹林中瞻依色相只就平田水滿亂草蛙鳴撥透
耳根打翻鼻孔便已證普門智得大圓通一切處踏
佛階梯一切時具最殊勝其或未能縱使觀音菩薩
立在面前於諸人分上料掉沒交涉所以道鷓鴣鳥
守空池魚從腳底過鷓鴣總不知忽然知碧潭深萬
丈直下取魚歸以拄杖敲香几下座

鄉紳徐印臺發願齋僧一藏請上堂僧問供養百千
諸佛不如供養一無心道人未審百千諸佛有何過
無心道人有何德師云逢人但恁麼舉進云某則不
然師云汝作麼生進云大福德人修大福德人受師
云逢人但恁麼舉問日前日後則不問政當今日是
如何師云拄杖閣須彌大書仁者壽進云路逢劍客
須呈劍不是詩人莫獻詩師云直須恁麼乃云鑄聖
陶賢手經文緯武才長年思不遇今日惠然來且以
何因緣而來這裏只爲奮發廣大心願齋五千百餘
衆衆既齋矣則瞿曇歡喜帝釋降祥可以轉咎爲福

了目前之勝因可以易危爲安培他生之善果元辰
博厚悠久無疆葉葉流芳法苑中萬靈景仰咸稱快
雖然更須勇猛荷擔從上佛祖所付囑底一著子始
得豈不見陳操尚書訪資福次福以手畫圓相操云
弟子恁麼來早已不著便那堪更畫圓相福便歸方
丈閉卻門看他兩兩作家龍驤虎驟千載之下儘足
觀光只是主賓和氣尙欠藹然在金粟此者值官客
入山不畫圓相亦不閉門但少叙寒暄如儀頌禱何
故知音弗用頻頻舉自有仁風動沆寥

秋日因西隣善友齋兼謝大眾持鉢上堂僧問昨日

火雲燒碧落今朝秋色上眉稜如何是新秋景師云
金井梧桐一葉飄如何是景中人師云箇箇寒毛盡
卓豎如何是人中意師云不吟天寶句便話嶺南禪
進云三問已蒙師指示只如施主設齋和尚將什麼
酬謝師打云汝且領這一棒好僧擬進語師云速退
速退乃云大眾浴街托鉢子苦值爺貧施主負米入
山家瘠賴隣富然托鉢所收雖不甚廣其一種堅忍
之行亦足以起懶弱而護叢林入山所施雖不甚豐
其一種堅信之心誠足以植良因而滋善果固知信
心勇發弗論寡多實行堅持那拘老少把手牽他行

不去惟人自肯迺方親山僧數日內患寒患熱無有
氣力與汝玄妙商量只可就本色人說箇本色話還
會麼早秋涼颼颼暮秋熱到頭誰家閒妄想肯向熟
前休休休今夜黑雲消散盡一輪桂轂碧天流

禱雨上堂洞山無寸草香林火燒山茱萸一滴也無
馬師西江吸盡這幾箇熟睡饒譚漢今日都用不著
惟有雲門大師道扇子踔跳上三十三天築著帝釋
鼻孔東海鯉魚打一棒雨似盆傾卻喜他應時應節
應時應節則且置只如我衲僧家尋常呼雲喚雨底
手段又向什麼處去也若云無恁麼事不可所說總

是虛言若云有恁麼事因甚終朝乾燥燥地到這裏
不能倒斷一番未免笑殺田舍郎盡云佛法無靈驗
伏願龍神不現一雨會滋君爲堯舜之君俗乃成康
之俗路不拾遺犬不吠謳歌共樂太平年擊拂子下
座

解夏查門行珠請上堂秋風蕭蕭黃葉飄飄解開袋
口正在今朝驪珠衣裏裹明月杖頭挑江南與湖北
擺手任逍遙任逍遙莫向雞羣輕折腰還有一句子
諸人也須記取齋是浴主化福是檀那招佛法二字
金粟盡付之寂寥爲甚如此不消不消復舉龐行婆

9 170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

一撰述

入鹿門寺作齋話師云龐婆入鹿門作齋月到天心處維那請疏意回向風來水面時只如拈梳子插髻後又作麼生卓拄杖云一般清意味料得少人知祈壽請上堂風飄蕙帳香雲暖人在壺天白日遊一局未終柯已爛知音知後許誰知忽有箇衲僧道和尚與麼指陳誠非戲論但當人壽量羅萬有超古今描不成畫不就無得無失非促非延直饒辯似懸河機如掣電也只明得屋外邊事山僧向他道今日賴遇上座然雖如是不因樹杪涼颶起爭見芙蓉夾岸開

觀周居士同衆檀護送藏經入山上堂僧問三世諸佛歷代祖師普說經律論今日安藏事若何師云人人共見進云天上有星皆拱北人間無水不朝東師云喜得上座領話進云佛法無多子千古鎮叢林師云多了也問檀護竭盡苦心不惜入泥入水只如一大藏教收不得者如何爲他說師云今晨下雨進云卽此一句也是虛空釘橛師云卻被上座道著進云總然道著亦是熱碗鳴聲師云禮拜退去僧禮拜師乃云從上來事只在於今好不資一毫醜不減一毫惟憑過量大人當機撥轉獨力荷肩便見富厚完全

支那

百卷佛藏卷第八

七

天空海闊然後以正法眼照耀人世展勝妙手屏翰
叢林直得慧日熙熙仁風蕩蕩金爐靄蔚寶炬輝煌
佛祖合掌讚揚外魔措足無地大眾此雖本山諸老
維摩正信修德中來亦係時節因緣所致苟時節因
緣之未至二十餘年營之而不足時節因緣之已至
不數月間了之而有餘拈拄杖卓云而今了也千卷
萬卷但看取此一卷千言萬言但聽取此一言上祝
皇圖下資含識檀那集慶樹石增榮林下野僧百事
休問著依然還不會是汝諸人莫有知恩報恩者麼
復卓拄杖喝一喝下座

退院上堂六載住持全沒滋味簡點將來討甚閒氣
何如長松下片石邊灑灑瀟瀟科頭箕踞任他法道
遷更蠅蠅口沸且臨行一曲如何演唱擊拂子云囉
囉哩囉囉噠白髮催人容易老寬懷無事是神僊下
座

嘉興梵勝禪院語錄

上堂懶骨鍛成一榻閒眠消白晝枯腸澆出半聯仄
韻動寒潮不啻佛來祖來說甚呼牛呼馬洵可樂也
頭頭具足生涯幸勿忘焉處處彰吾寶所是汝諸人
果能如是見如是信解便可休心息念高掛鉢囊與

山僧同處同行同餐同飲耕雲釣月唱沒腔歌自然
道泰時清風調雨順其或隨情變換逐物升沉敢保
終年未有歇手在且今日受齋底意如何垂示卓拄
杖云箇裏機關如解會殊勝莊嚴萃爾躬

祈壽上堂僧問如何是梵勝境師云峯色晴天見潮
聲靜夜聞如何是境中人師云坐底坐立底立進云
倘有格外來賓如何相見師云痛賞一頓進云承師
指出其中意不風流處也風流師便打僧喝師又打
乃云一陽已復五朝石笋暗地抽條戶外偶聞笑語
都云小人道消逼露娘生面孔獨立那畔風標祥光

最是赫奕奚須萬貫纏腰慧命法身長不昧壽山突
出自高超此乃山僧爲俞門韓氏夫人祝壽底意只
如古者道壽量等虛空虛空如何可祝壽徵況秦岱
秦岱如何可量若非向這裏拶透玄關往往被十二
時辰使山僧此者使十二時辰去也遂屈指云子丑
寅卯辰巳午未申酉戌亥年年環轉無窮眉縫倍增
新彩玉梅破蕊占春先徹骨馨香不變改

化龕上堂生如穿夏衫死似脫冬襖穿脫是何人襖
衫寧久保聽予言回頭早自家受用自家寶池底金
沙透水明林間玉葉香風掃香風掃摩尼達哩吽發

嘔射日火輪紅杲杲復舉昔有庵主不安凡見僧便
云相救相救洞山到彼訪之主亦云相救山云甚麼
相救主云莫是藥山之孫雲巖嫡子麼山云不敢主
合掌云大家相送便遷化師云洞山自救不了惹得
惡水驀頭澆庵主立地翻身較來未免輸一著爭似
自英庵主遷化已兩年矣今日於烈焰光中不用相
救只要相送且相送一句作麼生道霜華滿路侵衣
滅疋馬揚鞭莫教遲

空

空

空

空

空

上頭既到豈可寂默無言且就當人本分一著覲面
舉揚去也遂竖起拂云祇者箇輝今耀古越聖超凡
先乾坤而不生後乾坤而不老不生不老都從自己
信心中流露將來所以四十年前通身富貴四十年
後滿眼兒孫大業堂承一人福澤無窮瑤池會享百
歲蟠桃弗盡靈苗智種天然異仙李花開子萬春山
僧與麼舉揚敢問諸人還知落處麼良久云露柱燈
籠添瑞色秦山遠翠入簾青擘香几下座

觀周居士誕日慶懺并爲屠夫人壽請上堂智樂仁
壽宣尼垂訓昭然物與民胞橫渠立言可法迷謬顛

倒底往往戕殘物命弗信因果輪廻致使仁壽之風
久湮業報隨身于生無由解免惟我觀翁大居士具
正知見爲法門內外護凡生平一舉一動與理相違
者今已洗心懺摩并及一飲一食有損夫羽毛鱗甲
生靈者悉皆痛滌懣尤仗佛光而普度卽此慈悲所
感仁恕所通可以三障永除自他俱利而頓入佛祖
聖賢之域也如是求壽則不特壽一身而且壽一家
不特壽今時而且壽後世巧曆莫能算滿天星斗煥
文章滄海未足倫萬邑衣冠瞻禮樂瑟琴靜好金剛
體各各圓成牀第宴安妙蓮華頭頭露現雖然忽有

箇大闡提人終日殺生不受罪不受懺汝且道壽超
何劫卓拄杖云久叅上士提起日朗霜清後學禪流
切忌山重水遠

喻如法姪送衣上堂形雲染就金縷堆成不假強求
自然而至拈來恰好非短非長普請諸人應高著眼
高著眼莫疑猜正令全提遍九垓笑看白日瞞心漢
浪擬新條忽振雷

臘八上堂天將降大任是人也必先苦其心志勞其
筋骨餓其體膚恁麼說話權猶主在天人不得已而
受之何似當時釋迦老子棄萬乘尊榮直入雪山勞

形忍餓至六載果滿功圓於臘八子夜觀明星悟道
而後已厥後四十九年說法三百餘會談經道被西
乾澤流震旦此其莫大之任又豈尋常所能比倫哉
吾人智慧德相與佛無二富貴尊榮萬不及伊爲甚
麼貪戀快樂弗肯力行逗到逆境現前各各捫膺自
訴天乎人乎咎將安歸耶山僧今日試與諸人作箇
撇脫薦拈拄杖云釋迦老子來也就這裏見得諦當
則不用勞形忍餓六載三年明星夜夜燦中天德慧
依然咸具足倘或未能要待梅花香撲鼻除非徹骨
一番寒是汝諸人莫道山僧相鈍置好

歲旦上堂山川舊氣象人物舊家風忽地鴻鈞轉般
般便不同年也新月也新山川人物一時新柳眼含
青梅吐玉繡堤畫閣起香塵汝也新我也新家風氣
象一齊新衣冠劍佩如星爛滿飲椒觴語笑頻惟有
手中拄杖長年黑漆漆也無舊也無新也無秋冬與
夏春敲雲撥月渾閒事六臂相逢努目瞋然雖如是
政當今日亦恰好箇用處且作麼生用拈來卓立寶
華座恭祝檀那福壽臻

佛涅槃日馬闍然追薦明妙翁上堂問望前望後則
不問政當望日事如何師云山僧爲居士薦親進云

一物長靈何處安著師云千葉蓮華攀足上進云眉
毛撥破去也師云更有祥光涌舌輪進云雷音吼動
三千界妙勝光明等月圓師云記取這一句乃云生
與瞿曇同條生死與瞿曇同日死不生不死顯真常
坐斷千差無彼此春風醉碧桃春月映流水山僧不
敢暗相瞞爲汝闡揚明妙旨且政當恁麼時畢竟歸
何國土擊拂子云青蓮華上標名字瑪瑙塔前結聖
胎復舉世尊臨入涅槃文殊請再轉法輪世尊咄云
吾四十九年住世未嘗說一字汝請再轉法輪是吾
曾轉法輪耶師頌云四十九年來法輪何曾轉親口

出親言有舒復有卷卷兮點畫全無舒兮葛藤遍滿
七佛師七佛師末後依然少一槌

承字得嗣請上堂僧問玉燕投懷符吉夢明珠入掌
稱歡情君家積善由來久滿座春風繞樹青未審此
時如何師云大家讚歎有分進云信是麒麟原有種
不須摩頂試啼聲師云居士亦自知恩進云某甲到
這裏別有長處師云汝試舉看僧提坐具云笑倚五
雲舒老眼翹看英物早攀光師云舊語不須拈問多
子塔前分座黃梅夜半付衣從古相傳燈燈不絕如
何是相傳底意師豎拂云祇憑這箇進云恁麼則萬

象森羅齊點首人天何處不皈降師云閣黎莫辜負
他好進云只如朱居士酬嗣請上堂未審和尚如何
舉唱師云向伊道了也進云可謂一枝沒孔笛等閒
吹出萬家春師云一任舉似乃云無事一身閒有子
萬事足是以世間人殷殷祈所欲春山青春水綠今
日聽予酬一曲吹簫引得鳳雛來自是庭前多秀竹
秀竹常扶不老枝枝枝葉葉遙相續拍一拍云且道
合何韻調良久云不干菩薩蠻亦非清平樂從教喚
我作天工佳氣鬱葱香馥郁復拍一拍下座

聖墨長老出關爲師壽上堂瞎驢鼻孔自遼天兩載

圈欄放意眠忽地翻身忘管帶輪蹄踏到草堂前政
當此時秦溪水涌梵勝風清鐘磬交參主賓互照是
汝諸人莫有遮相鞭逼者麼有則不妨好手手中呈
好手紅心心裏中紅心如無山僧自己賣弄去也卓
拄杖云添壽海屋渾閒事點墨成龍格外奇

聖念四旬兼爲師壽上堂初夏日漸長屋角梅垂彈
一任少叢林佛法那怕爛山僧贏得無事坐后數游
魚或有时乎松之間竹之畔盡道蕭蕭散散是箇噉
飯癡僧誰知浩浩脆脆十二支干卻解打算解打算
汝等還齡我亦然不可毀兮不可讚何以如此體若

虛空沒涯岸

上堂荷布青錢點綴山家富貴魚翻玉浪引牽衲子
風騷千七百則爛葛藤隨我拈來拈去四十四年閒
歲月任他忽變忽遷何況好友臨筵義輪映座竹林
倍增秀麗檀室愈見輝煌闡自己之堅固元辰不須
比類於龜鶴證生前之圓明正果無勞曲踰乎大椿
山僧恁麼告報四六文章則不無若論佛法徹底爲
人總未見得且如何是徹底爲人一句還委悉麼頻
將越古超今壽散與寰瀛慶瑞祥

可權請上堂僧問有問有答無問無答今日借一問

和尚還答否師良久僧喝師云且道是答汝不答汝
僧又喝師連打兩棒乃云靈靈明明涸涸涓涓打鼓
曾請看盡力說不出說得出元來是汝先天物有等
漢聞與麼道便云我會也及乎問伊會箇甚麼卻又
無言可對無理可伸大眾只此無言可對無理可伸
莫是盡力說不出底麼山僧此者曲垂方便不圖豎
教扶宗且要諸人安家樂業良久云寅朝洗面午中
飯黃熟一爐經一卷坐倚松窓待月明不隨世事滄
桑變阿呵呵也好箇時節那便下座

上堂一樹榴花紅噴火數莖荷葉綠搖風柴扉半掩

無人到獨坐香添睡鴨中作境會也不得作心會也
不得畢竟如何卓拄杖云待汝小窓幽夢醒方知乳
燕語牆東

海鹽縣錢門劉氏法名超恂捐貲助刻所
父勉甫母馬氏起風偕享遐齡吉祥如意

百癡禪師語錄卷第八終

百癡禪師語錄卷第九

嗣法門人超宣等編

江南松江明發禪院語錄

入院上堂衲僧行止沒多般隨處安身隨處閒滿沼
白荷觀不足又攜竹杖到雲間雲間既到是非杳忘
地闊天高聲和響順翻愛當年船子一絲獨釣寒江
更冀此日維摩出手共扶祖道且時節相應底句如
何話會陣陣薰風來殿閣炎威雖逼也清涼卓拄杖
下座

聖蓮請上堂僧問佛日臨筵則不問當陽一句是如

何師云此去嵩江不遠乃云一棹舞長江爲尋格外
知已半鉤拋巨浸要覓透網金鱗金鱗未必全無知
已幸然巧遇政與麼時主賓道合水乳和同鶴叟蘆
汀鶯吟柳陌畢竟將何慶賀擊拂子云打麵還他州
土麥唱歌須是舊時人

上堂大火西流碧梧風動何處疎砧驚人殘夢山僧
在這裏默堆堆地不是舌頭短亦非關牙痛今朝蒙
衆檀那恭請未免鼓兩片皮顛拈倒弄簡點將來也
似颺起碌磚擊碎鹽甕然雖如此龍生龍兮鳳生鳳
鱗角羽毛若養成自有日雷雲相送喝一喝後舉趙

州問僧曾到此間否僧云曾到州云喫茶去或云不
曾到州亦云喫茶去後院主問云和尚爲甚曾到也
云喫茶去不曾到也云喫茶去州召院主主應諾州
云喫茶去師云趙州待客猶欠好心明發爲人尙隣
清淡曾到不曾到總與杯茶喫敢問大衆還甘也無
玉泉嫩筍情知少勝過毗酥一例菓

上堂佛法亂如縷人心毒若蛇著書成敵國同學是
冤家何似綠楊深處藏蹤跡看長天落鷲野渡漁槎
也不管他棚場熱鬧也不管他棒喝交加也不管他
說真賣假撒土拋砂只與麼度年華風流一種亦堪

誇忽有箇漢出來道和尙卽今恁麼地還是藏蹤跡
耶不藏蹤跡耶祇對他云教著孩兒解罵爺然雖如
是事無一向且畢竟作麼生但得此中無芥滯滿途
荆棘放蓮花

上堂十方佛土中唯有一乘法無二亦無三除佛方
便說如何是方便說荒草白楊秋日暮數聲漁笛起
滄洲

上堂僧問金粟峯頭曾弄險崖之句斜涇澤畔又張
利爪之威覲面爭先請師一接師便打進云某甲從
此切外還更有否師又打云猶嫌少在進云欲得吾

師意重沾雨露恩師云也須知痛癢始得進云痛癢
已知和尚又作麼生師云大眾笑汝進云于他甚事
師云轉見不堪進云謝師答話師復打乃云塵世無
閒客蝸名蠅利競勞尋形山有至珍徹底輝天誰暇
顧若能豁開夢眼便見物物全彰擊缶拋鉢觀音案
籥拈香擇火寶誌家風現前三昧已圓成觸目菩提
咸具足以此資生立業洞中春色滿乾坤以此植福
延年腦後清光吞日月不是神通妙用亦非法爾如
然總是汝等諸人自悟自證底境界山僧與麼敷陳
還落時流舊套也無拈拄杖卓云一句虛含千古韻

九峯象外吐新奇

舉首座聖墨西堂白也上堂肘後靈符光焯焯貔貅陣上展謀畧大千無地不皈降是佛是魔都剗卻且道誰是其人驀拈拄杖云一箇渾身如潑墨一箇通身似鴝白今朝舉出大家看兩處成龍轟霹靂只如黑白未分時又作麼生與伊相見喝一喝

臘八祈壽請上堂舉世尊於臘月八日明星出時忽云奇哉一切衆生具有如來智慧德相但以妄想執著不能證得頑石空頌云夜半明星出現時分明喪盡目前機若言總具如來相也是空拳誑小兒師云

世尊受盡徹骨寒還他梅花香撲鼻頑石欲窮千里目教人更上一層樓爭似思勤陶居士德相具足令子盈門夜夜覩明星不用空拳相誑年年修舊業亦無妄想拘牽雖然也須薦取星前意始得且薦取後如何團圞共說無生話帝力欣忘壽日長

歲日上堂僧問春風乍轉日融和大地霑恩喜氣多元旦垂機則不問福民護國事如何師云風不鳴條雨不破塊進云一句迴超千聖外九峯分翠萬年春師云隨汝恁麼道乃云皇風成一片何處更覓封疆華影覆千官相逢各有劔佩況龍樓大啓銀燭搖光

鳳曆新頒椒葩獻頌人人享泰來之福物物承鴻庇之恩無窮瑞彩映眉端不盡歡聲騰界外我衲僧家豁開正眼舉唱宗乘佛日高懸君恩悉報只如信心檀施新年頭設齋供衆又作麼生酬答令德自然歌燕社勝於把酒祝崆峒擊香几下座

上堂立春已過十日梅花欲開未開幾處歌童舞女門前去去來來達磨眼睛狼籍滿地無人收拾老龐面孔七橫八豎霧涌雲堆山僧拈箇秃笠帚東掃西掃亦覺氣衰力竭只要諸人共出隻手喜色盈腮喜盈腮莫妄猜但愁奇貨少不怕不還財且還財一句

如何道負載不辭千里遠揚州鶴翅響如雷

梵勝主人請上堂僧問簷頭鶻噪迎賓主檻外花香叩法筵不是故人情誼切焉能直到九峯前峯前已到請師垂示師云素性雖爲客禪心到處家乃云白蓮池上客買棹入斜溼爲愛主中主故通情外情鑪深殘火煖簾靜篆香清握手無多謂腸肝徹底傾大衆既無多謂且什麼處是腸肝徹底傾擊拂子云會麼知音不用徽絃奏流水高山意自明

上堂恍恍惚惚其中有物碧眼胡僧當前受屈杳杳冥冥其中有精揭開腦蓋拔出雙釘舉拂云無山得

似巫山聳何水能如河水清復舉簡堂機云地爐無
火客囊空雪似楊花落歲窮拾得斷麻穿壞納不知
身在寂寥中師云簡堂雖則恁麼自在未免有些須
窮乞相明發則不然楊花似雪颯春風碎錦成行爛
熳紅身在寂寥誰是件金衣聲轉書樓東咄若道恁
麼爲富貴相誤賺一船人便下座

君典汪氏請上堂僧問懺罪求眉壽風高劫外春如
何是劫外春師云松筠不向雪中老進云恁麼則威
音那畔分賓主總在吾師化育中師云芍藥遍開苑
內花進云因齋慶讚去也師云亦少汝不得問人天

交接祖令高懸未審有何祥瑞師云岸柳垂絲日正
長進云祥瑞已蒙師指示機輪別轉又如何師便打
進云明發海中施一滴人間天上悉沾恩師云切忌
淹沒乃云覓心不可得罪從何來覓罪不可得心從
何起具夙根利智底纔聞舉著向父母未生以前當
頭坐斷獨耀真常便見一切處轉大法輪一切處成
等正覺無造罪者無受罪者亦無懺罪與滅罪者其
或未能山僧落第二門重下註腳去也覓心覓罪不
可得妙用人天渾莫測心從何起罪何來古鏡分明
自染埃信得及分依懺摩而障緣淨盡見得到兮熏

善法而慧覺花開五十春光隨意滿壽山涌出愈崔
嵬只如適纜二僧恁麼問山僧恁麼答又且如何良
久云松筠不向雪中老岸柳垂絲日正長

誕日普賢請上堂尋常拈槌豎拂別無他意只要諸
人知山僧是霞漳蔡氏子本命元辰在亥便已該通
一切灑落自由卽山僧落處未能盡知忽若知得自
己本命元辰落處也不差山僧一級地然雖如是拄
杖子旁觀不禁出來打動關南鼓唱起德山歌把週
天星紀顛倒錯亂是汝諸人又向甚處摸索所以道
五行不待書中驗八字那從掌上推得失榮枯人莫
測毗盧頂坐笑嘻嘻還識毗盧頂麼以拄杖卓一卓
下座

謝兩序大衆齋上堂僧問昨日祝壽今朝又作麼生
師云不圖打草只要驚蛇乃云五音六律衆調合成
七寶八珞大家湊就無手人提得去穿心碗盛將來
山僧已知債重難償且與麼歡喜稱謝有則現前公
案特爲舉似東隣採豆西舍澆秧兩隻石虎倒臥坐
傍爲什麼一隊蠅兒蠓子自從竊些腥臊去後直至
如今杳不見信息喝一喝

端午上堂壁上鍾馗努目瞋花妖草怪盡傷神乘時

9 170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

招進

百舞前開詩卷第...

且打牛皮鼓撥透威音那畔人只如威音那畔人畢竟是甚面孔良久云教我如何說無物堪比倫請化士上堂我手佛手拄杖久已不在手客來只是展空手今朝告報諸人亦要大家出隻手好手手中呈好手且畢竟作麼生智者點頭定光招手復舉道場規和尚因化士問促裝已辦乞師一言規云好看前路事莫比在家時士云恁麼則三家村裏十字街頭等箇人去也規云照顧打失布袋師云山僧此者化士纔請促裝尚未忽有問某甲出來承當乞師一言祇向他云善為前路事莫忘在家時伊或如何若

何但云金風颭颭伏惟珍重

因採菱上堂荷葉團團似鏡菱角尖尖如錐荷葉團團我這裏不曾種得菱角尖尖今日直歲採得三籃兩籃入口清鮮人人知有採菱曲調若箇唱酬拍膝一下云懷珠蘊玉無窮妙未必江干老此生觀周居士送方丈扁額至上堂束龜毛為筆用兔角為墨向文彩未彰以前書得點畫分明如渴驥怒猊不可捉摸人天互慶祖室生輝自非平昔道契神交今日曷克至是有人提掇得起重賞一兩金復舉雪竇云客從遠方來遺我徑寸璧中有四箇字字字無

支那

百舞前開詩卷第...

9 170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

人識師云山僧依模打樣去也客從武原來遺我睦
州板中有兩箇字字字寬且簡分付禪流記取伊千
古珍崇耀法眼

上堂僧問爲法臨筵則不問酬恩慶誕事如何師云
骨相兒原天上種蟠桃實向九秋圓進云恁麼則福
慧雙彰去也師云方信山僧不負人乃云多子塔前
分半座風月雙清黃梅室內夜傳衣水天一色從上
佛祖的相承莫不本大願力維持正法眼藏所以
兒孫徧地葉茂流長歷千百載而未有窮已然此正
法眼藏度人之寶照世之珍依而行之不獨可與佛

祖鬪富即有所求悉皆指揮如意且如何是如意底
事擊拂子云三歲神駒英彩露四旬鴛侶壽山高復
舉本師費老人住金粟日因祈嗣請陞座僧問堂前
露柱久懷胎產下嬰孩頗俊哉爲復是從天降下爲
復是從地涌出老人云當陽指出僧云未解語言先
作賦一操直取狀元來爲復是公侯有種爲復是獨
占鰲頭老人云現成道將來僧云恁麼則雲裏撥開
金鳳鎖棒頭點出玉麒麟老人云不妨據欵結案師
云這僧解織花中錦老人能添錦上花山僧住金粟
日錫侯許公亦祈嗣請陞座茲特到明發酬願并爲

撰述
百城神韻詩集卷第九
劉氏孺人壽有箇小偈對衆奉禱棒頭點出玉麒麟
手眼還他作者親正與麼時咸慶快坤儀震索一齊
新

上堂仲冬一樹杪寒風聲瑟瑟繞庭黃葉亂飄飛衲
子裹頭門嬾出惟有西墩兩石人長年不怕赤骨律
任他雨灑與霜摧熱汗通身黑似漆黑似漆明如日
能爲檀那增利吉逆數癸壬戊甲庚倒翻角亢斗牛
室若人於此善參詳世出世間事已畢且作麼生是
世出世間事還知麼歲歲無虞樂太康摩訶般若波
羅蜜

開爐上堂僧問煨聖煉凡則不問大開爐韜事如何
師云三箇柴頭品字煨進云既是聖人更要煨箇甚
麼師云上座眉毛且照顧僧喝師打云教休不肯休
僧又喝師復打乃云霜清月冷火熾灰寒禪和忍凍
輓作一團事弗獲已向破爐頭輕輕撥出星兒之火
且喜煖氣相接柴乾草乾是汝諸人寧可坐在這裏
說些熱鬧話切不得心粗性躁踏倒打翻若打翻厨
下火工沒被單風來仍舊鼻尖酸卓拄杖云山僧添
炭去也便下座

上堂五日一叅諸方舊例明發頭陀舌如秤錘逗到

檀信臨門便乃推托不開嘴吧吧地不說心不說性不說直指禪不說靈山記祇爲當人說箇日用便宜底事且如何是便宜底事諸惡莫作衆善奉行騰騰任運無黨無爭西風刮浪如雷吼穩坐虛舟夢亦寧復舉臨濟示衆云若與麼來恰似失卻不與麼來無繩自縛一切時中莫亂斟酌會與不會都來是錯分明與麼道一任天下人貶剝元叟端云若與麼來無繩自縛不與麼來恰似失卻一切時中切宜斟酌會與不會莫錯莫錯分明與麼道是甚秦時轆轤師云山僧則不然若與麼來未曾失卻不與麼來何嘗自

縛一切時中隨分斟酌會與不會絲毫不錯分明與麼道大人笑我水潦鶴喝一喝

冬至舉清首座上堂畫短畫長平地無端剛捏怪撥進撥退蕭牆徒自動干戈明發門下總不恁麼何故虎生三日氣已食牛要見牙爪相資賴有箇人擔荷箇人遠至時節亦彰不涉陰陽底句如何通信南枝忽報春消息正眼堂堂耀古今

臘入上堂金輪寶位匹如閒夜越重城遯雪山受盡饑寒嘗盡苦枯容不比舊時顏汝看這老漢圖箇甚麼便乃如是以拂子打圓相喝一喝云當時若不得

這一點六年冷坐幾乎無合殺卽今莫有向這一點
證得者麼良久云幸自無瘡勿傷之也便下座
祈子請上堂問覲面爭先則不問拈拏意旨是如何
師舉拂云秀分仙桂一枝春進云當陽拈出萬人前
迦葉微笑又如何師云覲面承當猶自可進云與麼
則獅兒出窟驚天地萬象森羅耀古今師云正要居
士恁麼道乃云若欲叅究此事如適纔一夥捕魚人
相似知得明發門前小菱塘裏有無數魚潛泳其中
不管水冷風嚴瓦擲笑罵或驚或逐或撒網或垂鈎
百計千方勢必得魚而後止然此等人祇能捕魚不

能自捕若教伊自捕敢保無下手處就無下手處忽
然下得手去咄原來盡大地是箇魚不獨小菱塘裏
卽小菱塘裏已全該大地魚縱饒大地人一齊覲捕
亦且取之無盡用之弗竭鶩呈拂子云而今魚在這
裏還見麼見則不妨大家拈酒醺醺醉短笛橫吹過
釣灘脫或未能山僧唱箇撥棹歌爲錢森玉居士禱
嗣去也擊拂子云許大金鱗不論錢得來仍放綠楊
邊活潑潑力綿綿螽斯兆慶兮君復然下座

歲旦上堂鐘已打了也香已燒了也聖已祝了也歲
時新舊拈向一邊佛法有無束之高閣今日華山上

座設年齋大家照管匙筋索性飽食無事相邀雲外
望三三兩兩渡人舟復舉香嚴閑頌云去年貧未是
貧今年貧始是貧去年貧猶有卓錫之地今年貧錫
也無洞山文云去年富未是富今年富始是富去年
富惟有一領黑黪布褊衫今年富添得一條百衲山
水袈裟歲朝抖擻呈禪衆實謂風流出當家師云盡
道香嚴知貧不知富洞山知富不知貧若約明發見
處說貧底家藏巨萬說富底四壁囊空就中不富不
貧隨分挨過須還我這裏始得然雖如是老不以筋
力爲能

上堂今朝是箇迎春日雖然水鄉僻冷比不得府城
熱鬧究竟春色處處無差春興人人本具不妨就僻
冷中權做熱鬧一場以應時節拈拄杖左邊卓云先
將靈雲桃趙州柏結箇錦棚又向右邊卓云次將玄
沙虎雪峰蛇綴箇境致復向中間卓云然後演出觀
音大士普化誌公整整齊齊互相間錯搖鈴底搖鈴
打坐底打坐是汝諸人不惟聞見必定喜歡且亦知
水鄉春樂別有長處春樂已畢鞭春一句作麼生道
還會麼遂拽拄杖下座打散

解制上堂昔日結也不曾結今日解也不曾解解結

隨時強立名大都只要看頭采卓拄杖云頭采見也是何卦兆良久云加我數年五十以學易可以無大過矣靠拄杖下座

謝首座化知浴上堂舉趙州會下二僧相推不肯作第一座主事白州州云總教伊作第二座主事云第一座教誰作州云裝香來主事云裝香了也州云戒香定香解脫香師云二僧臨事蹉過趙老重重話墮明發會下不用相推第一座也教伊作第二座也教伊作第五六座也教伊作香湯滾滾厠坑邊不礙猛虎當路坐只如功圓行滿又且如何須信水漲泥多

自然船高佛大

淨蓮請上堂僧問應以比丘尼身得度者卽現比丘尼身而爲說法現比丘尼身則且止未審向他說甚麼法師云春日晴黃鸝鳴進云某甲不恁麼道師云汝試亂說看進云比丘尼是女人做師打云觸犯不少乃云明發水之鄉非舟不可渡園花人到來端的是何故問禪已被纏求悟還自誤此去叢林多逢人任吐露且畢竟吐露箇甚麼陰陰夏木轉黃鸝漠漠水田飛白鷺大衆好語也可惜用不合時翻成虛設山僧再轉一句去飯思羹衣思布睡天明坐日暮直

須如珠走盤切莫守株待兔良久舉拂云六華昨夜飛無數

五旬修經懺請上堂鄭娘叉手向馮山聞名不如見面麗婆拈梳插髻後見面不如聞名若也聞名見面各適其宜管取大用全彰驚天動地到這裏還容得山僧讚歎麼還容得諸人議擬麼所以道今佛放光明助發實相義希有諸比丘是中難比況驀呈拄杖云這箇是實相義且作麼生是光明卓一卓云這箇是光明且作麼生是實相義於此見得五十年前妙法華中無異路五十年後懺摩會上有餘光政當今

年五十歲又且如何復卓拄杖云昨夢壺公壺裏遊傳聞王母壽千秋殷勤乞得長生籙付與馬門顧氏收然雖如是已後切莫辜負山僧拄杖子好

上堂僧問世尊不說說迦葉不聞聞今日衆居士請陞座未審如何舉似師云簷聲不斷前朝雨進云既是不說說因甚和尚盡情吐露師云且照顧打濕袈裟進云也奈何他不得師打云卻似天晴不肯走乃云爲人本色全在質直平常學道正因貴乎堅誠猛利堅誠猛利也投機一句頓入佛祖奧堂質直平常也迥脫千差能培福壽基址甘行者餵驢餵馬龐蘊

公口吸西江百草頭邊不二門內正好結箇無諍保
社凡聖同居闡明發之家風壯斜湮之氣象其或未
能伊自伊汝自汝幾樹綠楊啼翠鳥春光忽逐眼前
過且卽今投機一句如何道聲聞色見無差互長嘯
儻然天地寬

佛涅槃日上堂靈山會上拈枝花著甚死急多子塔
前分半座討甚來由直饒三百餘會弄盡伽陀還免
得涅槃也無所以山僧怪諸人不得諸人亦怪山僧
不得大家相對嘴盧都收拾春風入畫圖

聖念請上堂桃紅柳綠春色分明惱人麥秀花黃誰

家有計留住信時光之易邁莫逐境以蹉跎舉古徵
今因今見古千聖不傳向上路得來只在腳尖頭山
僧若放過三十年後遭伊簡責去若弗放過又作麼
生道箇接手句還委悉麼天山一箭收功也四海何
愁不太平

祈壽上堂若論本來壽量山僧實無啓口處事弗獲
已說箇等虛空過須彌包萬有亦是周由也者世諦
流布之談具大信根底不用如何若何只消就山僧
無啓口處踏翻關捩原來等虛空過須彌包萬有較
之本來壽量不爲差事政當此時純純常常慧性全

彰菱華無點翳錦帆自生香閒向吟樓頻倚望相隨
一點婺光長敢問大眾莫有異口同音爲沈門夫人
慶賀者麼擊拂子下座

佛誕上堂天上天下惟我獨尊黃面婆伽開著恁般
大口至今合不得打殺餒狗貴圖太平跛脚阿師伸
出一雙毒手至今縮不得捺鉤搭索放去收來諸方
老凍儂做盡閒伎倆跳過他坑窞不得明發與麼道
還得也無自云不得不得何故利劒所除人我易勸
人息卻是非難復舉遵布衲浴佛次藥山云汝只浴
得這箇不浴得那箇布衲云把將那箇來藥山体去

師云一天老發明箇事甚生奇特要且只得一半我
若當時作藥山決不恁麼休去若作遵布衲待他道
不浴得那箇攔頭便與一杓所以道大鵬奮展摩霄
翅誰顧崩騰六合雲卓拄杖下座

生日劉超梵祈願上堂盡云今日予生日誰識當辰
母難辰鞠育恩深毫未報撫膺常憶舊時人睦州織
屨子輿負薪孝行經天孰比倫慚愧數年乾打闕自
撐自祝自敷陳敷陳已畢居士設齋底意又如何話
會卓拄杖云一枝仙桂連根拔始信文章可立身

陸門徐氏爲師壽上堂十畝之間道者閒閒舟橫綠

水枕跨青山十畝之外道者泄泄有客到門去彼壅滯於斯時也乾坤合其德鳥兔合其明寒暑合其序鬼神合其吉凶何促何延孰得孰失不是渠儂輕賣俏皆由默契自天真且天真作麼生默契徐氏孺人還會麼喚起窓全曙催歸日未西呈拄杖云無心攀裏鳥更與盡情啼連卓拄杖下座

秦山六旬并爲師壽請上堂僧問和尚將什麼作壽師云水菱千葉翠風竹萬竿清僧禮拜師乃云水滿橫塘已吠蛙石_上西畔兩三家未生後真消息凡聖都來較不差比較不差也則汝壽還同我壽慶人

亦可慶他借婆衫子拜婆年色色般般無少剩然而更須以法爲身以慧爲命以寬爲福以慈爲心方可拯濟四生包羅九有設或未能幾度思歸鄉夢覺隔窓怕聽夜啼鳥

上堂六月不熟五穀不結諸上善人都如是說惟有現成啗飯懶禪和卻道今年熟比去年熟汗流夾背蚊蟲多破扇手中搖不做搖不徹忽打折驚起石龜飛上天老鶴吞聲無處雪雪雪未明心地是炎蒸一度臨流一度噎喝一喝

上堂祝壽一句不用別求當前指出在在盈眸露冷

花盈砌風清鴈過樓八十輪來閒歲月參天古柏是
同儔且畢竟合何意旨驀豎拂云見麼人有遠慮必
無近憂

開爐上堂爐韜未開此唱彼磨宛爾太平氣象鉗錘
乍握左敲右擊依稀霸占雄風明發歷事有年亦知
兵者乃不祥之器聖人弗得已而用之但時所必至
令合當行整一旅之師慰來蘇之望直教箇箇倒戈
釋甲在在定國安邦是卽是就中也須尋箇搭對方
顯得汝我尋常手段還識手段麼單刀疋馬不用如
何生擒猛將跳出日窠驀拈拄杖擲下云轉身一箭

莫饒他下座

上堂僧問有問有答落壑沉坑契理契機顛預後學
如今正令旣行請師通箇消息師云吹毛寶劍逼人
寒進云動絃別曲葉落知秋以坐具打圓相云未審
這箇堪作何用師云自己少賣弄進云不是渠儂多
意氣他家曾踏上頭關師云切莫輕舉似人乃云一
口吸盡西江水魚龍蝦蟳甚處藏身一刀殺盡恒沙
佛大地衆生何處乞命弓絃上走馬荆棘內安居撥
轉天關掀翻地軸直饒與麼去猶未是極則事有般
不識好惡漢便問如何是極則事何異白日開眼著

鬼迷明發有一轉語布施諸人今冬少雨地土乾硬
常任蘿蔔頭似老鼠尾巴大是汝二六時中又思量
咬嚼箇甚麼喝一喝

冬至上堂一線陽和報小春石頭土塊盡翻身獨餘
枯木寒巖者難作三冬暖氣人咄這箇漢坐在冷湫
湫地雪操水姿則不無若是抵浪迎風敲枷打鎖糝
花枯木上發燄寒巖中總未見得明發與麼闡揚還
有爲人處也無卓拄杖云丈夫氣宇衝牛斗踏動鴻
門兩扇開復舉玉泉皓至日示衆云畧運推移布衲
赫赤莫怪不洗無來換替師云玉泉風流蓋世出語

超羣明發此者也要諸人知有畧運推移布衲雪白
洗也如斯不洗不赤且道與玉泉相去幾何

臘八趙南泉請上堂僧問明星刺破眼睛時雪裏梅
花只一枝四十九年仍說夢知音知後有誰知只如
釋迦老子見箇什麼道理便爾自肯師云不是鐵酸
餡亦非蘿蔔頭進云卽今夜夜明星皎皎還許人悟
也無師云莫屈他好進云若然者學人向馬頭截角
龜背拔毛去也師云也許汝好手進云和尚亦不得
無過師打云汝且喫棒著進云恩大難忘便禮拜師
乃云雪山頂上歎奇哉一點明星是禍胎帶累兒孫

無著莫幾番倚杖自徘徊徘徊不已打草驚蛇正令
全提神號鬼哭政當此際各出隻手一句諸人試道
道看良久云總道不得山僧出手去也拈拄杖下座
打退

歲旦上堂僧問諸祖門庭則不問祝聖一句請師陳
師云壽比須彌懽萬國進云恁麼則恭祝聖人無量
壽村歌社舞太平春師云知恩者少負恩者多乃云
昨夜玄沙騎猛虎沿街敲逐子湖狗咆哮聲驚起祐公
牛縮卻尾巴丁倒走臨濟大師路見不平拈一條棒
出來道玄沙玄沙我識汝是釣魚船上謝三郎爲何

如此撒潑直得頭熱面紅不敢啓口驀豎拂云而今
都被山僧擒下了也報諸人聽分割日暖風和歲律
新太平暢飲曹山酒

解制悟空見來請上堂僧問鐘板木魚發笑燈籠露
柱踉跳未審是何吉兆師云今日天晴進云恁麼則
鶯逢春暖歌聲滑人遇時平笑臉開師云巧言不如
直道乃云鴈外天逾碧鷗邊水自春袋頭聊解著去
住莫隨人何以故玉經磨琢方成器品入清竒始見
高復舉教中道若以色見我以音聲求我是人行邪
道不能見如來師云旣不以色見聲求畢竟如來向

甚處見卽今日升月往夜暗晝明鵲噪鶯吟花紅柳
綠一一顯如來真實體又作麼生說箇離聲求色見
底道理這裏豁開正眼釋迦老子心肝五臟盡情敗
露了也所以道色見聲求也不妨百花影裏繡鴛鴦
自從識得金針後一任風吹滿袖香卓拄杖下座
上元日劉勉甫同室馬氏請到圖澤入塔上堂尼問
五百年前正月半今朝望日是如何師云祥雲繞寶
座進云禮拜去也師云更有瑞氣靄深村乃云大道
全彰因時顯露至人无咎與世推移然雖與世推移
一段靈光終是埋沒不得所以瓊山老宿自宋開禧

以來於此日入大涅槃復越兩禩於此日任安隱地
不謂滄桑代變歲久莫稽燦盤下忽爾翻身鏤頭邊
從新扶起骨石具在碑記猶存有大力量人重建宰
堵波仍請山僧於此日樹大勝幢演大法義使遐邇
見聞者生希有心發難遭想可謂古今合轍前後一
揆利己利人其功溥哉敢問諸人還識此日麼元宵
美景賜福良辰絃管交加花燈間錯家家樂長春之
化箇箇遊不夜之衢瓊山老宿與長爪和尚向百千
光影中弄大神通扭捏諸人鼻孔於此見得諦信得
及山僧爲伊入塔已畢不用更說偈言其或未然倩

拄杖子描箇塔樣去也遂以拄杖打圓相云層落落
影團團佛祖常擁護人天共仰觀瓊山老宿珍藏處
井畔梅花蘸水寒卓一卓云萬載流傳作話端

上堂元宵已過兩日城市中點燈依然熱鬧有龍燈
鳳燈獅子燈花毬燈以至鰲山走馬千奇百怪之燈
無不莊嚴畢具山僧昨自平湖回思量這裏甚是寥
寂幸值熹之院主領南橋善信到山亦點出佛燈祖
燈心燈法燈以至須彌日月歷劫長輝之燈悉皆畢
具莊嚴政當與麼時諸人擬向甚處著眼舉拂子云
見麼一燈燃照大千燈大地山河徹底明凡聖同由

無異路不煩鼓吹雜歌聲良久云有解承當者各提
取一枝安家樂業去遂搖曳拂子下座

聖節上堂一佛出世千佛讚揚一句全提千祥併集
且如何是全提一句以拂子作舞笏勢云海晏河清
天子萬壽

見宗請上堂鳶飛戾天魚躍於淵大道真體只在目
前逝者如斯不舍晝夜至理湛然原無虛借孔夫子
三百六十骨節八萬四千毛竅盡情揭露了也更有
箇慍見底出來道此是我家茶飯爲什麼寶華座上
拈來當作宗乘山僧但與一咄云野哉由也君子於

其所不知蓋闕如也是汝諸人還知麼良久云自是
不知知便得斜溼烟景有誰爭

上堂舉弘覺問僧看者是什麼經僧云維摩經云
我不問維摩經看者是什麼經其僧言下知歸師云
弘覺徹底婆心這僧偶爾撞彩簡點將來未後猶欠
一著在山僧怎麼道還端的也無若到諸方一任舉
似

上堂無花無酒近清明興味蕭然是野僧可惜這等
俗漢未曾識野僧興味在若識野僧興味底不論冬
凋夏長自有靈山花可拈那管蛩螢囊空自有曹山

酒可喫日暮啼鴉隨杖至雨餘芳草任盤桓大眾且
道他的是山僧的是良久云差之毫釐隔以千里

上堂獅子吼無畏說百獸聞之皆腦裂喝一喝云若
喚作獅子吼換汝眼中睛不喚作獅子吼禿汝口中
舌去此二途如何甄別復喝云永嘉大師來也向諸
人道香象奔波失卻威龍天寂聽生欣悅山僧驀拈
拄杖便與趁出何故這裏著他不得且畢竟作麼生
坐石數魚無意智狂呼童穉捉楊花

受超果請上堂犇擬芳村水草齊垂頭橫臥綠楊西
那知蹤跡難遮掩又趁春風起耙犁耙犁既起萬苦

千辛帶水拖泥衝烟冒雨敢問衆中莫有相救者麼
如無山僧自作自受去也拽拄杖下座

海鹽縣比丘尼行定捐貲助刻祈先師
思慧早生蓮界并自身壽命延長者

百癡禪師語錄卷第九終

百癡禪師語錄卷第十

嗣法門人超宣等編

松江超果禪寺語錄

師於順治丁酉春受請四月初四日入院至山門云
不勞彈指樓閣門開是汝諸人止可暫時經過若要
到大休歇之場前頭猶有活路在

佛殿面如滿月目如蓮天上人間咸恭敬顧視左右
云果是他家苗裔也須依而行之遂展具

伽藍堂公平不阿正直是與屏翰叢林今朝賴汝插
香云一穗薰沉兩手舉

9170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

祖師堂西天四七正好提瓶東土二三喚來洗腳新
超果更敢也無良久云放過一著

方丈此室甚深廣晝夜常放五色光惟許超宗異目
底踞坐其中等閒發一機千機萬機頓赴出一語千
語萬語齊彰若是影響音聞之流必定望崖而退卓
拄杖

拈護法啓佛法付與國王大臣有力檀越令其燈燈
相續長明不斷且如何是相續底意琳瑯金薤箇裏
絕無囊藏韻調宮商各立兩邊聽取

合山疏綠楊古岸自在自由因甚被這半幅紙勾引

出來莫是寃有頭債有主麼向下文長再煩讀過

指法座頭頭彰瑞彩步步涌階梯既然有路可行誰
管毗盧頂上

拈香此瓣香位慶龍飛文昭虎變蕤向寶爐端爲

今上皇帝祝延萬歲恭願執中而垂衣致治端拱而
化樂無爲此瓣香如山如斗爲楫爲舟奉爲合朝百
辟闔郡尊官名公鉅卿遠近檀護恭願壽基永固爵
秩高遷此瓣香六回拈出惡聲早已播江湄兩處偷
閒隻影猶如埋巖壑詎料業緣未了依然天網難逃
蕤向爐中供養前住徑山現住福巖費隱客本師老

和尚用酬法乳之恩上首白椎竟師云一槌便就溢
目光輝不假一槌光輝溢目莫有恁麼衲僧請出來
證據僧問蹲釋迦於腳底趁彌勒於風前爲復是神
通妙用爲復是法爾如然師云任汝卜度進云定乾
坤句于聖罔知轉利海機凡靈莫測不涉妙玄請師
再示師搖曳拂于云看看進云恁麼則無邊利境自
他不隔於毫端十世古今始終不離於當念師云且
禮拜著僧顧左右云今日超果有齋師云不得忘卻
僧一喝歸衆問駕青龍於白雲影裏翫月觀星弄金
毛於一覽樓前驚羣動衆神通妙用則不問開堂說

法是如何師云海衆齊瞻進云乾坤廓落無邊際杲
日當空宇宙明師云也須照顧頂顛進云只如門連
城市車馬駢闐絲竹管絃時時入耳聲色不離如何
是鬧中取靜一句師云速退速退進云恁麼則慣把
一枝沒孔笛等閒吹過汨羅灣去也師云天下總聞
聲進云謝和尚答話師噓一噓乃云孤峰頂上眠雲
徒誇峻峭十字街頭垂手太煞勞攘須知我衲僧家
腳跟活潑無礙無拘出處隨時不著計較今日幸遇
皇風蕩蕩帝道平平台旃臨筵明眼作證直得向雨
花殿上八字打開一覽樓前千差坐斷揭示淖沲正

令闡揚少室真猷使一切未見者見已見者復見未聞者聞已聞者復聞密契佛祖不傳妙心頓悟父母未生面目豈不綽綽然有餘裕哉政當恁麼時回機就位一句如何道金鰻解聽無生法萬象收藏碑鏡中復舉雪峰拈拄杖示衆云我這箇爲中下機人時有僧問云忽遇上上機人來時如何峰放卻拄杖雲門云我不似雪峰打破這葛藤乃拈拄杖云我這箇爲中下機人時有僧問忽遇上上機人來時如何雲便打師云縱橫殺活豎教扶宗還他二大老新超果則不然拈拄杖云我這箇爲中下機人或有僧問忽

遇上上機人來時如何但兩手分付何以如此不見道千兵易得一將難求下座

立兩序馬氏超麟超淵超奇祈願請上堂不遇雪霜無以驗松柏之操不逢變冗無以見衲子之心衲子之心已見法令在所必行雖然不改舊家風看看也要從頭起驀呈拄杖云如今從頭起也還識舊家風麼若也識得則在彼在此各安其居若女若男均從所願以此列班序同德同心以此扶勝幢無偏無黨以此祈遐壽壽不可量以此報親恩恩無不報如開武庫錯落交輝似出摩尼青紅互映政當此際大家

贊助一句如何話會卓拄杖云笛中一曲清平樂消盡人間幾許愁

再叔同室朱氏請上堂乾三連坤六斷羲皇卦畫已明判夫主唱婦克隨天倫樂事兩無虧龐婆回向拈梳插蘊老沿街賣策籬堂堂正眼空千古一段風流誰得知誰得知且莫疑武原也有劉善士匹配孺人志不違金石身心能重法打開寶藏現希奇希奇已現禱祝一句作麼生道丹桂枝枝香月窟蟠桃歲歲熟瑤池良久云大小超果大有人道伊慈悲落草在便下座

佛誕日舉陸濤法侄首座上堂僧問拳槌腳踢妙用無虧應物現形隨機展演只如安排第一座還許無手人擎著虛空也無師云看他好手進云打破蔡州城擒卻吳元濟又作麼生師云卻是汝作家進云大眾證明和尚親言出親口師云爲甚麼自己便承當進云謝師答話師便打僧大笑歸衆問昔日雲門會裡撥轉風流今日超果堂前全身奉重還許某甲贊助也無師云汝試道看僧向右邊打圓相云只如未離兜率時這箇在什麼處師云蠱毒之家水莫嘗僧向左邊打圓相云那箇又作麼生師云總與一筆勾

下進云萬古碧潭空界月再三撈捩始應知師云且
緩緩著僧連喝師打云放過則不可俊民居士問聖
皇治世列聖繁興三教並垂則不問如何是釋迦師
師舉拂子如何是孔子師師又舉拂子如何是老子
師師亦舉拂子進云師範已蒙師指示五家宗旨請
師宣師云不妨逐一問過進云如何是臨濟宗師云
白棒當頭劈如何是雲門宗師云鐵鼓鷲空搥如何
是曹洞宗師云回互不露鋒如何是馮仰宗師云唱
和無生曲如何是法眼宗師云青山樹樹青進云可
中有箇無面目漢人王法王羅籠他不著三教五宗

收拾他不住設到超果門下和尚如何接待師云明
窓靜几好安排士目顧左右云大眾會麼畢竟水須
朝海去到頭雲定覓山歸師云須是居士始得問世
尊降誕於今日和尚陞座於目前且道阿誰在前阿
誰在後師云一箇鼻頭兩孔出氣進云世尊說法四
十九年談經三百餘會且道和尚目前說箇甚麼師
云半句也無進云恁麼則兩彩同一賽箇箇證無爲
師云汝自己分上作麼生僧便喝師打云那裡學得
來進云昔年曾話會今日又重新師云不如截斷好
乃云水之積也不厚則無力以負大舟風之積也不

厚則無力以負大翼是故善知識出世爲人拔楔抽釘如水負舟如風負翼苟生平所積不厚遠舉高飛未免有天闕之患豈不見世尊初生便乃手指天地稱我獨尊雲門旁觀者清更欲一棒打殺與狗子喫其氣槩造詣當何如耶山僧今日把風上頭抓一場佛事也要諸人委悉還委悉得麼佇看陸地起波濤始信來源出處高喝一喝

居士鏡巖請上堂月浮水面古鏡舒光雨滴巖前梵音說法山僧踞坐其中別無施設只要大家聲和響順形直影端鼓拍相從法門久賴會麼設道園林花

已謝隔簾尙有數枝紅復舉明招到招慶有度上座問云羅山尋常道諸方盡是麩飯惟有羅山是白飯上座從羅山來卻展手云白飯請些子招打兩掌度云將謂是白飯原來只是麩飯招云棒打不死漢師云可惜羅山好白飯被明招和盤托出私作人情究竟勞而無功超果這裡白飯也有麩飯也有只是不許多喫若多喫則肚裡脹穿眼睛突出敢問諸人還知落處也無連卓拄杖下座

上堂種得多生般若根根不昧能修今世人天福福福全彰扶護叢林克興家業四生九有賴以提攜

鳳子麟孫藉斯出現如是因獲如是果一回舉見一
回新此乃武原草臣錢老檀護平日大受用處而今
森玉居士同令室劉氏特發虔心遠寄信齋請山僧
陞於此座爲祝眉壽所謂父母之年不可不知也子
道盡矣掬水分明月在手親恩報矣弄花自然香滿
衣且不辜來意一句如何敷演甲子循環無滯礙香
山願湊十人遊

上堂入門解辨主中主把手同登樓外樓一曲浩歌
天地小笑看身世等浮漚要識此一曲麼從上佛祖
拍拍相承山僧於其中間增一毫不得減一毫不得

今日信手拈來信口道出普令虛空法界情無情等
與在會設齋善友躋仁壽域惟冀虛懷諦聽遂以拂
子擊香爐三下云只這是有來因六律五音和之不
得高山流水莫可比偷眼裏聞聲透悟去風光透映
雨花新忽遇箇漢大笑云和尚得恁麼絮那但向他
道超果常師柳下惠

上堂本性彌陀匪從外得惟心淨土豈向他求向他
求轉求轉遠西天十萬路迢迢從外得旋得旋迷彌
陀來也仍蹉過但能口與心聲聲相應心與佛步步
不離驀忽築著磕著如子面母如暗投燈如溺遇舟

如饑逢饍然後知歌臺酒榭純是寶樹蓮池狗吠驢
鳴無非頻伽共命彌陀卽我待客理家處眉尖自有
玉毫光我卽彌陀飲食起居時腳下常存安養地故
曰禪禪只爲了生死念佛亦爲了死生若就一邊挨
得入兩條門路弗多爭茲因西方殿主人領衆特請
陞座不覺漏逗如此且據令提持一句作麼生道喝
一喝云淨土當前予不立彌陀拽杖趨那方

生日鄉紳陸筠修等請上堂一年一度慶予生一年
一度催予老鬢鬆亂髮半如絲滿目青春何處討大
衆更願知有不生不老者呈拂子云徑草雨餘抽綬

帶池荷風定掠衣香

舉天申首座上堂牡丹雖好全憑綠葉扶疎筍竹成
林歧看鳳儀現瑞文成五彩句配三玄嶺南之血脉
已通濟北之家聲不墜山僧憶自鷗灘一別倏忽經
八載矣今朝驀地相逢未免變嗔爲喜何以故物宜
求新人宜求舊智過於師方堪傳授且畢竟傳授箇
甚麼當堂揭出無私意管取山山黛險開

端午上堂僧問一覽樓前雲捧日金鰻井裏浪稽天
過去未來則且止端陽一句是如何師云戶戶泛蒲
酒進云村童野老翫賞已知衲子窟途請師一接師

打云急急如律令進云白棒無私恩歸有地師云負之者多問如何是超果境界師云亭橋獨跨三門內如何是境中人師云白龍潭上鬪龍舟進云會則途中受用不會世諦流布未審向上還有事也無師云向下看取進云將謂無人證明師云原來原來乃云支殊手裏草一莖能殺能活太白山中糶兩箇易飽易饑新超果心不負人面無慚色門插艾符休免俗臂懸彩縷且隨時獨憐浩浩楚江水屈子深冤莫洗之敢問大衆解作一篇續騷賦也無良久云歸去來兮歸去來黃鍾毀棄已焉哉復舉龍牙和尚云學道先

須有悟由還如曾鬪快龍舟雖然舊閑田地一度贏來方始休師云我不似龍牙恁麼道白龍潭上鬪龍舟此事如君有悟由奪取錦標誇得意轟轟高出萬人頭卓拄杖下座

沈慎齋等請上堂僧問舍清涼辭熱惱總非本分退佛位讓圓通盡是波吒不入衆妙門何爲超果句師云朝來風色緊樹葉滿空飛乃云六月十九日觀音成道時汝且道觀音在什麼處若云普陀巖上全身現未免逐浪隨波更云西方殿裏石罈藏猶乃迷頭認影尋常千千萬萬來這裏擇火燒香何曾見一人

9 170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

撰述

百類初編卷之十一

半人驀地分明覷破遂以拂子敲香爐云於此覷破
分明便見得觀音面目卽汝面目野色原無山隔斷
觀音鼻孔卽汝鼻孔天光直與水相連觀音所成之
道卽汝所成之道不必故鄉風景勝因緣恰好便爲
家夫如是則臨機應用各適其宜利物垂慈各安其
當故曰大悲者觀音之變也觀音由聞而覺始於聞
而能無所聞始於無所聞而能無所不聞能無所聞
雖無身可也能無所不聞雖百億身可也山僧今日
與麼舉揚大似熟處難忘相席打令是汝諸人還聞
麼良久云座中幸有江南客休唱鈎輈格磔聲便下

座

中秋上堂月色四時好今宵分外明南樓添庾興琢
句自新清如何是新清底句莫是水光激灩浮金鏡
麼借物畫描阿誰不會莫是舉杯對月影成三麼因
情感觸何代無之莫是吾心似秋月碧潭光皎潔麼
大小寒山善說道理好與一頓痛棒且畢竟作麼生
舉拂子云人人本有真月在不落盈虧朔晦中復舉
僧問雲門一切智通無障礙時如何門云掃地潑水
相公來師云掃地潑水相公來庭桂逢秋花正開若
解連根倒拔去廣寒宮殿浪如雷下座

支那

百類初編卷之十一

七

9 170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

撰述

百海師言錄卷第十一

十一

到上海請題雲居庵額上堂俊民居士問承聞灌溪和尚有言我於臨濟爺爺處得半杓末山孃孃處得半杓共成一杓如何是共成一杓底事師云喫者自知恩進云丈夫自有通天路因什麼低頭三載為人灌園師云卻是伊具眼進云只如昔日末山今日雲居是同是別師云看他別出一頭地進云可謂一枝無孔笛別是有知音師云分明記取乃云暫作茸城客來為海上遊知音尚不盡同道了方休瑞塔千鄉繞長溟萬葉浮單傳真妙訣只此莫他求諸人還會麼會則途中受用面門廓落寒光動不會則世諦流

布脚下未移生鐵鑄承虛接響白糝糊急須認取通天路只如今日照雲上座同諸檀護請山僧到這裏為立庵名還有通天路也無書出雲居二大字是凡是聖任躋攀復舉無為宗泰禪師祭五祖多年不能抵對一日祖陞堂顧眾云八十翁翁輓繡毬便下座泰欣然出眾云和尚試輓一輓看祖以手作打杖鼓勢操蜀音唱綿州巴歌云豆子山打瓦鼓楊平山撒白雨白雨下取龍女織得絹二丈五一半屬羅江一半屬玄武泰聞大悟掩祖口云祇消唱到這裏祖大笑而歸師云五祖渾身賣俏宗泰脫體風流山僧

支那

行旅禪師語錄卷第十一

七

也不解打瓦鼓也不解唱巴歌只有一箇繡毬可以隨時取用摹拈拂子打圓相云鶻眼鷹睛如覷透頭陀何地著慚惶

請慈朗法侄首座秉拂上堂僧問竹稀烟補密梅瘦雪添肥卽今龍象交參和尚將何垂示師云兩道眉毛橫掛劔進云古者道三十年後覓箇漢也難得未審和尚親覓得幾箇師云大眾證明了也進云不到山深處爭知雲起時師云首尾一齊收乃云入水不避蛟龍漁父之勇也陸行不顧虎兕獵夫之勇也見佛殺佛見祖殺祖衲僧之勇也汝且道衲僧以何操

略而能若是裂燄爐中煨出來磨成鐵嘴又銅腮頂顚具有金剛眼生死牢關盡擊開政當今日猶子情親法門誼重向人天衆前推舉一句如何話會宏綱共振照千古方信舊痕痛處深

開爐上堂僧問虛空中抽骨和尚尋常設施陸地上行舟未審阿誰能得師云無面目人得進云某甲已知口是禍門師云自知較一半進云知不知且置只如今日弘開爐冶全憑開熱門頭點鐵成金貴在惡辣手段會中有箇頭角崢嶸爪牙全備底人和尚如何相爲師云且喜山僧有搭對進云大眾看看當陽

9 170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

分付機關別惟許超方作者知師云何須輕賣俏進
云一枝突出難遮掩千古流芳格外奇師云也免不
得問雲間士庶渴仰宗猷向上玄關請師大啓師云
精金鈍鐵一齊鎔進云恁麼則通身手眼通身現徹
底風流徹底知師云任汝添柴炭進云人人歡天喜
地箇箇八字打開去也師云切忌矍冶乃云若欲舉
揚宗門向上事何止鴛鴦殿前草深一丈直得三泖
之水逆流諸天雨花無路若欲落七落入說箇子曰
詩云何止風雨調而兒童舞直得天馬山頭獻瑞鳳
凰率鳥來儀只如超果今日開爐且道是落七落入

耶是舉揚向上事耶驀拈拄杖卓云總不離這一著
何故三世諸佛於此爐中轉大法輪歷代祖師於此
爐中運風扇炭十方禪侶於此爐中炙燄承炎遐邇
檀那於此爐中安家樂業火燒不入底臥雪眠霜棒
打不底夷溝塞壑作向上商量也得作落七落入
流布也得五十年間一百年後有人箭鋒相拄超果
極力爲人句也不至湮滅無聞然雖如是白沙翠竹
江村暮還愛柴門月色新

上堂身穿施主衣口喫施主飯將什麼報答施主寺
門西田隴畔負鞍戴角底豈是別人束草草置在面

前卻又吞吐不下所以古者道人道不通理還身復
信施此之謂也有般漢聞與麼道便云端坐受供養
施主常安樂似這等別造地獄著汝在更有云終日
穿衣不曾掛寸縷絲終朝喫飯不曾咬半粒米似這
等超果棒折亦未肯放過且畢竟將什麼報答施主
蒲團夜冷鼻孔各自捫摸蠟炬搖紅眉毛急須照顧
喝一喝

馬友麟禱嗣上堂法門廣大包括無窮寂然不動感
而遂通丹山鐘彩鳳吉夢叶熊熊叮嚀莫自生疑慮
管取門間喜氣充復舉阿難問迦葉云世尊傳金襴

外別傳何物迦葉召阿難難應諾葉云倒卻門前刹
竿著高原泉頌云翡翠羽毛麒麟頭角第應兄呼振
動海嶽路遠夜長休把火門前倒卻刹竿著師云門
風紹續須是其人迦葉若不得阿難這一根刹竿今
日向甚處著眼高原老漢與麼道也是背地裏替人
助喜且超果意作麼生一番提起一番新垂手長攀
碧玉麟

續庵長老請上堂問不假一言請師直指師云若非
山僧幾答此話進云謝和尚去也師便打問天上有
星皆拱北人間無水不朝東政當恁麼時一句作麼

9170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

撰述

生道師云真不掩偽進云古人道行住坐臥總是這箇未審這箇是甚麼師云曲不藏直進云龍得水時添意氣虎逢山勢長威猙師云也是現成底乃云上上到高處望高高高處更無上南嶽天台在下頭須彌百億難摹狀極孤危絕倚傍飛登捷走者託與重擔千鈞躡足趑趄者贈與草鞋百綱山僧念汝孳孳似不可為幾及且少貶焉作箇榜樣遂拈拄杖云長則七尺短則十丈擬欲思量劈脊便棒

提督標下衆官入寺齋僧請上堂僧問不用三玄戈甲不展五位旌旗如何是正令全提一句師云吹毛

劒氣逼人寒進云縱步踏翻毗盧頂千聖齊教立下風師云汝也須照顧面門進云恁麼則有意氣時增意氣得風流處且風流師云上座不妨伶俐問吹無孔笛唱太平歌且道是阿誰境界師云鬪三黑四進云還許學人和也無師云許僧囑師云御被風吹別調中進云真金自有真金價終不和沙賣與人師云猶帶瓦礫在乃云善言言者言所不能言善迹迹者迹所不能迹言所不能言言超文字語音之外迹所不能迹迹融形色象貌之中言迹分明頭頭合轍是故從上佛祖出世正印提持無非曲盡婆心為一切

支那

宣統元年

七

人陳其言示其迹耳。鷲豎拂云：這箇是迹，擊香几云：這箇是言。透脫兩重。曰：窠突出衲僧巴鼻。如人到家，權在手，風行草偃，水到渠成。有時鼓角傳呼，乾坤爲之黯黑；有時吹毛晃耀，邦國賴以奠安。建立剷除，令由己出。摧邪輔正，法必公同。敢問衆中誰是具與麼氣槩者？良久云：一踏鴻門開，兩扇樽前令。我憶樊公復舉昔，朱行軍入南際寺，齋僧執手，爐行香云：直下是直下。是時有僧云：直下是甚麼？行軍便喝僧云：行軍是佛法中人，惡發作麼？行軍云：汝作惡發會？那僧便喝。行軍亦喝云：鈞在不疑之地，遂呼左右認取。

這僧著師云：一箇如臥龍奮迅，駕霧衝霄；一箇如猛虎咆哮，生颺震谷。隨機敲磕，各有可觀。大用現前，不存軌則。今日蒙衆官客入寺齋僧，雖無如是問答，須知別出他一頭地。且因齋慶讚底句，如何話會？五福身膺無險畏，年年勝日醉櫻桃。

照雲請上堂，僧問：戴角擎頭，一覽樓前獨步；吟風嘯月，九峰頂上翻身。轉機就位，則不問倒拵；虎鬚事若何師？云：強中更有強中手。進云：只如今日陞座說法，還許伊進身有分也？無師云：又且何妨？進云：大家出手揮。今古一曲無生答。太平師云：敲唱任將來問，呼

之則來遣之則去來來去去明什麼邊事師云人從上海還接得揚州信進云只如呼不來遣不去又且如何師云汝且道中間說箇甚麼僧擬進語師便喝乃云一覽樓峭峭巍巍宴坐不動碑鏡石方方正正摩盪生光金沙灘碧碧澄澄鬚眉可鑑竹竿滙盤盤曲曲古樹涵青琴瑟笙簧時時入耳風帆野鳥日日盈眸觀世音在這裏隨類現身何止華亭三度幽冥主於此處拯迷破暗說甚苦海千重只爲當人坐在聲色窠中不能作主所以畢世限在見聞界內無有休期山僧此者不惜眉毛與汝做箇撇脫遂豎起拂

云是箇甚麼良久放下云又是箇甚麼甚麼甚麼沒兩般等閒覷透亦何難雲收霧捲長空淨月照波心玉一團

徐超麟生日上堂徧一切處是這一句子一大藏教詮不及這一句子該攝一切處歷代祖師提不起汝若作一句子商量無繩自縛不作一句子商量業識茫茫山僧到者裏雖然口似匾擔且喜有箇第二句堪爲推托還識第二句麼萬瓦嚴霜結三竿愛日紅壽山常聳翠認取主人公主人公莫認錯祥麟原只一隻角卓拄杖下座

9170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

撰述

佛藏經卷第十

上堂舉僧問黃龍機云禪以何為義機云以謗為義楚石琦云南湖則不然禪以何為義以贊為義師云說謗說贊只見一邊非贊非謗未解真禪忽有問起果禪以何為義但云灼然以何為義伊若眼目定動便與老大一拳不是見人輕賣俏衲僧氣槩合如斯下座

道生薦師馬至忠求孫上堂南嶽下出一馬駒兒孫徧地天皇遺龍潭一餅蔭彼兒孫二老漢貴圖熱鬧門風簡點將來未免蝦為子曲山僧拗曲作直重說偈言使僧安其僧俗安其俗彼此家庭有賴存亾利

益均雷夫是之謂道也道不可離可離非道故君子終身由之而弗能己已夜冷蒲團收足坐一天好雨灑梅堦復云布衫脫卻那邊去一念俄興此界來來去分明無異主堂堂古鑑絕纖埃絕纖埃當人記取勿浪猜

尼慧心請上堂僧問教中道由戒生定由定生慧卽今四眾臨筵如何是起戒一句師云刹竿頭掛花旛子進云只如歸宗斬蛇南泉斬猫政當恁麼時還得戒也無師云莫謗他古人好進云恁麼則晴空霹靂驚天地雨後風生浪自消師云汝自己分上作麼生

支那

東京大學総合図書館蔵

七

進云自有一雙窳相手未曾容易舞二臺師云一狀領過乃云燈籠侵早口吧吧露柱堂前也發花報道南山百尺井鯉魚咬斷木蘭船白頭老父梳烏髻夜半虛空散彩霞此語灼然人易信秤鎚蘸雪笑冬瓜復舉古德云三通鼓罷簇簇上來佛法人事一時周畢淨居尼云三通鼓罷簇簇上來拄杖不在茗帚柄聊與三十師云二尊宿隨機縱奪各有可觀超果此者不拈拄杖與茗柄亦無甚佛法與人事三通鼓罷簇簇上來有問則出無問退去良久噓一聲下座蓮根請上堂樹末烏啞啞樓頭鳩谷谷不知何事太

關情叫到西山紅日落因思昔日老瑞巖自喚自呼自應諾主人翁惺惺著百千年後還如昨良久云明眼禪流一任卜度

上堂舉楚石琦云若據一大藏教說少一字若據祖師門下說多一字不多不少恰好處道將一句來僧擬議琦便打出師云山僧則不然若據一大藏教說不少一字若據祖師門下說不多一字添多減少恰好處道將一句來伊若擬議亦打出汝且道楚石打底是山僧打底是試請辨看

錢森玉祈願請上堂果滿菩提圓是什麼果花開世

界起是什麼花饒汝攀摘的來未免世界荆榛七攀
八裂山僧此者別資一路將千年桃核下種深耕雲
外天香連枝毓秀只要當人信得及學得勤自然水
漲船高龍吟霧布畫堂笙鼓連宵鬧頂戴皇恩答佛
恩

請上堂臘月初七擊鼓敲鐘瞿曇未悟大眾從容可
嚀且各蒙頭睡莫待星芒落眼中只如星芒落眼有
什麼不好人鬧鬧馬叢叢萬苦千辛在己躬信是業
緣無避處翻思松竹引清風然雖如是自古迨今到
恁田地者能有幾箇復舉天台豐干禪師往五臺次

路逢一老人干云莫是文殊麼老人云豈可有二文
殊干禮拜未起忽然不見師云豐干具頂門眼卻被
這漢執瞞當時若據令而行討甚文殊耶子蒼禪人
春初發意往五臺不及半路卽回還逢著文殊也無
良久云文殊文殊負汝負吾

臘八解制守靜等請上堂僧問指天指地則不問雪
嶺修行事若何師云鵲巢磊頂進云恁麼則萬籟無
聲星月朗一靈光透廓雙眸師云汝且道世尊在什
麼處僧喝云兩眼對兩眼師云多此一喝進云某甲
從這裏風光去也便歸衆師乃云道本無可道亦復

無可成六年撐餓眼剛謂覩明星殊不知明星未覩以前天依舊是天明星既覩以後地依舊是地說箇智慧德相人人本具太煞顛預更說箇妄想執著證得不能未免誤賺大丈夫兒氣宇如王誰肯徬戶倚門聽人處分雖然也須學這老漢嘗一番苦辣始得這老漢位居金輪富有四海國城妻子象馬七珍靡所不備忽覺生死無常棄如敝屣直至雪山修行受饑忍凍是汝諸人能有如是灑脫如是力量否不能如是而欲與這老漢同得同證同入同修吾未知其可也還知麼金毛獅子擺脫鐵鎖而奮迅遊行玉角

麒麟掣斷錦繩而軒昂步驟吸乾三泖水踏碎九峰雲共發揮劫外風規同指點寰中節令且道是阿誰境界卓拄杖云八臂哪吒無覓處鏤鄒光射斗牛寒下座

上堂僧問紅輪畢竟沉西去未審靈魂往那方師云殘夢頻驚蕉葉雨故鄉只在藕花洲進云恁麼則堂堂坐斷千差路卓卓分明絕去來師云好此一句僧喝師便打乃云薦亾無別法白棒指元因直下能開悟頭頭契本人本人既契畢竟憑何證驗卓拄杖云吉祥地涌金蓮座胷臆光騰卍字輪

上堂霜風鳴颼颼無事移筇出出門偶爾腳踏翻見
有物焉黑如漆拈起也疑是地藏手中珠放下也卻
似洞庭山裏橘報君知須委悉初三十一中九下七
昨日今朝利市大吉趙州勘破臺山婆筠袁之人頭
插筆咄

上堂心隨萬境轉轉處實能幽隨流認得性無喜亦
無憂牛頭獄卒羅漢聖僧日與往來來哆哆和和
總是隨流底意因甚山門內兩箇大漢不肯喝云令
人轉憶謝三郎一絲獨釣寒江雨

衆護法請上堂陸首座問巍巍堂堂煒煒煌煌千聖

挽留不住萬靈瞻仰無門和尙還有慈悲處也無師
云一言既出駟馬難追進云來時翠草婆娑去則萬
林蕭索還是以境換人還是以人換境師云看汝重
著力進云竿綸雖倦何不且待春風師云大眾普聞
進云珊瑚枕上雙行淚半是思君半恨君師云愁人
莫向愁人說乃云金鰻入井不輕出青虎歸山不復
來惟有鴛鴦殿上月年年夜照綠蘿苔呈拄杖云金
鰻出也穿過毗盧鼻孔卓一卓云青虎來也裂破文
殊眼睛可中或遇箇不顧危亾底漢走向風前硬剝
剝地生擒活捉簸弄爪牙也許伊回報不報之恩共

照述
助無爲之化如無山僧騎青虎項捏金鰻頭於十字街前高聲大叫去且道叫箇甚麼我不敢輕於汝等汝等皆當作佛

劉允明纘功壽親請上堂一念驚疑乾坤踟躕一機透脫日月圓明證圓明之體露本有之光四相莫能推移八風吹而不動高樓傑閣任意登臨水榭雲城隨緣放曠政當恁麼時且道是佛耶是菩薩耶是羅漢耶是天僊耶有人揀辨得出慶讚檀信已畢脫或未名山僧再打葛藤去也一念驚疑乾坤踟躕究竟主翁原弗失一機透脫日月圓明歷劫傳來本現成


幾次拈提自恰好這回拓出愈芳馨愈芳馨瑞氣呈同入蓬壺占鶴筭花開五葉樹長青卓拄杖下座上堂我手何似佛手被人截斷了也我腳何似驢腳被人踏倒了也人人盡有生緣被人捉敗了也大小黃龍牢關已破計較已窮直至如今上天無路入地無門卻來山僧拂子尖上聲聲道爲法自弊一至此哉山僧按劍不平將他佛手驢腳生緣重修墻塹使竊符假雞者知近日王令稍嚴弗敢踰疆越界且憑箇什麼道理便爾相助舉拂子云除著黃龍頭角外其餘盡是赤斑蛇復喝一喝

退院上堂自歎孤高學未能偶於鬧市閣寒藤無緣
正好賦歸去免累人心起愛憎且畢竟歸去何處委
悉麼兩岸白雲待我久低回爲誦北山文

海鹽縣比丘尼超弘捐貲助刻祈生
生世世菩提心不退般若智長明者

百癡禪師語錄卷第十終





廿六

9 170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8